



ՄԱՅՐ ԱԹՈՒ ՍՈՒՐԲ ԷԶՍԻԱՃՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ


Ն. Ս. Օ. Տ. Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՈՒՂԵՐՁԸ ԱՄԱՆՈՐԻ ԱՌԻԹՈՎ

Միտելի՛ բարեպաշտ ժողովուրդ,
Ամանորի խորախորհուրդ այս երեկո հայրապետական
Մեր սերն ու օրհնությունն ենք բերում ամենքիդ՝ ի հայրե-
նիս և ի սփյուռս:

Դիմավորում ենք փրկական 2025 թվականը: Մեր կյան-
քում առկա չփարատված մտածողություններով ու հոգ-
ներով հանդերձ՝ նոր տարի մուտք ենք գործում լավատե-
սությամբ և բարի սպասումներով: Ամանորի հուսառատ
ապրումներն ընտանեկան մեր հարկերում են, եկեղեցի-
ներում ու ծառայության փայրերում՝ ամենուր, որտեղ հա-
մախքված ենք՝ միմյանց փոխանցելու մեր մաղթանքներն
ու ջերմ զգացումները:

Ամանորն առիթ է ինքնաքննության, անդրադառնալու
ազգային ու հայրենական մեր կյանքի հուզող խնդիրնե-
րին: Ամանորը հրավեր է նորոգության, հրավեր ապագայի
շուրջ մտորումների, կյանքն առավել ապահով, բարօր ու
շեն դարձնելու նախաձեռնությունների:

«Նորոգվեցեք ձեր մտքով և հոգով ու հագեք նոր
մարդը, որ ստեղծված է ըստ Աստծու՝ արդարությամբ
և ճշմարիտ արքայությամբ» (Եփես. 4.23–24), – պատգա-
մում է առաքյալը: Սուրբգրային այս հորդորին ունկնդիր՝
սիրո, բարության ու արդարության ճանապարհով ըն-
թանալով՝ կարող կլինենք, սիրելիներ, դիմակայել ծանր,
անգամ անելանելի թվացող իրավիճակներին: Կարող
կլինենք ուժ գտնել՝ նեղությունները համատեղ ջանքե-
րով հաղթահարելու, փորձությունները փորձառության
վերածելու, ձախողումներն ու պարտությունները ձեռք-
բերումների վերափոխելու և մեր նոր օրը կառուցելու՝
ապավինած առաքելական խոսքին, թե՛ «ամեն բան կա-
րող եմ ինձ գորացնող Քրիստոսով» (Փիլիպ. 4. 13): Այս
հաստատ համոզումով ենք պատմության ողջ ընթացքում
մեր հարազատ բնօրրանում ապրել, մեր պետականու-



թյունը կերտել և օրհասական պահերին հանձնառու ոգով
համախմբվել՝ հանուն հայրենիքի հզորացման և ազգա-
յին տեսիլքների մարմնավորման: Մաքառել ու տոկա-
ցել ենք առ Տերը հույսով և առաքյալի խոսքի նկատմամբ
հավատով, թե՛ նեղություն ունենք, բայց ընկնված չենք,
կարոտյալ ենք, բայց հուսահատ չենք, հալածված ենք,
բայց լքված չենք, չարչարված ենք, բայց կործանված չենք
(հմնտ. Բ Կորնթ. 4. 8–9):

Արդ, մեր կյանքում ծառացած դժվարությունների
հանդիման հարկ է աննկուն մնալ և առկա մարտահրա-
վերների ու պարտադրվող պահանջների հանգուցալու-
ծումը չփնտրել հայրենավնաս զիջումների, մեր արքու-
թյուններից ու ավանդական արժեքներից հրաժարման
միջոցով: Աներեր մնանք մեր պատմությանն ու արժե-
համակարգին հավատարմության մեջ, անխաթար պահ-
պանենք մեր ինքնությունը, ինչը կարևոր է նոր սերնդի

ոգու և գիտակցության կերտման, նաև աշխարհում մեր
պետության և ժողովրդի հեղինակության ամրապնդման,
ազգային իրավունքների պաշտպանության համար: Հա-
վատում ենք, որ մեր պատմությունը զարդարվելու է նոր
վերելքով: Լուսավոր գալիքի մեր ձգտումներում զին-
վենք հույսով և հավատով, Աստծուն ապավինած՝ իրա-
գործենք յուրաքանչյուր մեր առաքելությունը՝ ի սեր
անձնական ու հավաքական մեր կյանքի բարօրության:
Նորոգված կյանքով կարող պիտի լինենք կերտել նոր
իրականություն, որտեղ գերակա կլինեն ուղղամտու-
թյունն ու համերաշխությունը, օրինահարգությունն ու
հայրենամոլությունը, նոր իրականություն, որտեղ յուրա-
քանչյուր հանձնառություն միտված կլինի մեր պետու-
թյան հզորացմանը, ազգի անվտանգ ու արժանապատիվ
կյանքի ապահովմանը, արցախահայության աճուսարե-
լի իրավունքների պաշտպանությանը: Այս տեսլականով
վերափոխենք մեր կյանքի ընթացքը և միշտ քայլենք սի-
րո և միաբանության կենարար ճանապարհով:

Միտելի՛ հավատավոր ժողովուրդ, տարեմուտի սեմին
աղոթենք առ Աստված մեր հայրենիքի, հայոց բանակի,
հայրենի հողից ու տնից բռնությամբ գրկված արցախցի-
ների, նահատակված զավակների կորուստը սգացող, գե-
րելարված և անհայտ կորած սիրելիների ցավով ապրող
ընտանիքների, հիվանդների ու զրկանքների մեջ գտնվող-
ների համար: Աղոթենք նաև աշխարհափայլուն մեր քույրե-
րի ու եղբայրների համար, որոնք կրում են պատերազմնե-
րի կործանարար հետևանքները: Հայցենք խաղաղություն
համայն աշխարհին, մեր հայրենիքին ու ժողովրդին: Թող
Տերն օգնական ու գորակից լինի ազգիս հայոց՝ շնորհելով
լուսառատ նոր հորիզոններ:

Շնորհավոր Նոր տարի: Բարի և օրհնյալ տարի:

31 դեկտեմբերի, 2024 թ.

Ն. Ս. Օ. Տ. Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՊԱՏԳԱՄԸ ՄԵՐ ՏԵՐ ՀԻՍՈՒՍ ՔՐԻՍՏՈՍԻ ՍՈՒՐԲ ԾՆՆԴՅԱՆ ԵՎ ԱՍՏՎԱԾԱՀԱՅՏՆՈՒԹՅԱՆ ՏՈՆԻ ԱՌԻԹՈՎ

Յանուն Հօր և Որդու և Հոգույն Սրբոյ.
ամեն:

«Եկիր ի փրկության ազգի մարդկան,
Թագաւոր փառաց, Բո անճառ խոնար-
հույեանքդ»:
(Շարական)

Միտելի՛ բարեպաշտ ժողովուրդ,
Մեր Տեր Հիսուս Քրիստոսի Սուրբ
Ծննդյան և Աստվածափայտության լու-
սաշող տոնին, համախմբված մեր սուրբ
եկեղեցիների կամարների ներքո, փառա-
բանում ենք Բարձրյալ Աստծուն, որ մարդ-
կության հանդեպ անհուն սիրով ու ողոր-
մությամբ ուղարկեց Իր Միածին Որդուն՝
ազատելու մարդ արարածին մեղքից ու

մահվան կապանքներից: «Փառքի Թագա-
վոր, Բո անճառ խոնարհությամբդ եկար
մարդկության փրկության համար», – օրհ-
ներգում է Հարականագիրը:

Այսօր Սուրբ Ծննդյան հրաշագարդ
իրադարձությունն է վերստին հառնում
մեր հայացքի առջև: Երկնային բարձունք-
ներում զահին բազմող Փառքի Թագավո-
րը ծնվում է աղբատիկ մուրում: Փրկչի
Ծննդյան հրեշտակաձայն ավետիսին
ունկնդիր՝ պարզասիրտ հովիվներ խո-
նարհվում են Մանուկ Աստվածորդու առ-
ջև: Իմաստուն մոգերը երկրպագում են
Փրկչին, Որ աստվածային խնամքով մարդ-
կությանը առաջնորդում է դեպի բարիք,
հանություն ու համերաշխություն:

Աստվածորդու հրաշափառ Սուրբ

Ծնունդն անճառելի խորհուրդ է՝ մտքին
անհասանելի, բայց հավատքով ճանաչելի
և ընկալելի: Փրկիչը խոնարհվեց և մար-
մին առավ՝ նյութականից դեպի հոգևորն ու
աստվածայինը բարձրացնելու մարդկային
սրտերն ու մտքերը: Ամանոր մահկանա-
ցու դարձավ՝ ճշմարիտ կյանքի և հավիտե-
նության ճանապարհի ցույց տալու մարդ-
կությանը՝ համաձայն Իր խոսքի. «Ես եմ
Ճանապարհը և Ճշմարտությունը և Կյան-
քը» (Հովհ. 14.6): Այսօր էլ բեղդեհեղյան
պայծառափայլ աստղը փորձություննե-
րով խռովահույզ աշխարհում փրկության
հույսի ճանապարհն է ուղեկցում: Սուրբ
Ծննդյան գիշերը վկայում է, որ անգամ նե-
ղությունների խավարում փայտափայլում է
Աստծո լույսը, ծագում է Արդարության

Արեգակը, ինչպես անվանվում է Քրիս-
տոս շարականներում և մարգարեության
մեջ (Մատթ. 4.2):

Քրիստոսին ընդառաջ գնալը, Նրա
պատվիրաններով ապրելը վեհացնում
և գորացնում է անձերին ու ժողովուրդ-
ներին, արժանի դարձնում աստվածային
պարգևների և օրհնությունների: Խաճա-
ծարարով պարտրված Աստվածորդուն
ընդունելով՝ մարդը զգեստավորվում է
փրկության շնորհով, որը հավատացյալի
կյանքում բխեցնում է երկնառաք բարիքնե-
րի աղբյուրը: Աստվածամեծ ընթացքները,
սակայն, մարդկությանը կանգնեցնում են
չարիքների և կործանարար սպառնալիք-
ների առջև:

Ն. Ս. Օ. Տ. Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՊԱՏԳԱՄԸ ՄԵՐ ՏԵՐ ՀԻՍՈՒՄ ՔՐԻՍՏՈՍԻ ՍՈՒՐԲ ԾՆՆԴՅԱՆ ԵՎ ԱՍՏՎԱԾԱՀԱՅՏՆՈՒԹՅԱՆ ՏՈՆԻ ԱՌԻԹՈՎ

էջ 1

Այսօր ամենքս ակամատես ենք Աստուծոց հեռացող աշխարհի դառնագին իրականությանը՝ նյութականի պաշտամունք, քաղաքական ու տնտեսական շահեր, տիրապետելու մոլուցք, որոնց զոհաբերվում են անհատիկ և ժողովուրդների իրավունքները, բարոյականության սկզբունքները, համամարդկային խաղաղ համակեցությունը, երջանկությունն ու բարիքը: Այս արհալիրքների հետևանքով մարդկությունը հայտնվել է աղետալի իրողությունների առջև՝ պատերազմներ, զոհեր ու ավերածություններ, կարիքի ու դժվարությունների մեջ հասակ առնող որբացյալ և անօթևան երեխաներ, հակամարտությունների դաժան պայմաններում գոյատևող, գաղթական դարձած բնակիչներ: Այսպիսի տագնապալի իրավիճակները հրամայական են դարձնում աշխարհի բարեփոխումն ու ժողովուրդների համերաշխ գոյակցությունը, որը մշտապես պատգամվում է մանուկ Աստվածորդու Սուրբ Ծննդյան «յերկիր խաղաղություն եւ ի մարդիկ հանդուլուն» (Լուկ. 2.14) հրեշտակաձայն օրհներգությամբ:

Միջերկրին՝ աշխարհաքաղաքական ներկա բարդ իրադրության մեջ ծանր փորձությունների ենթարկվեց մեր ժողովուրդը. բռնազավթվեց և հայաթափվեց Արցախը, գրավված են մնում Հայաստանի ինքնիշխան տարածքներ, տակավին

գերության մեջ են և անհայտ կորած մեր բազում զավակներ, Ադրբեյջանի կողմից շարունակում են հնչեցվել նորանոր պահանջներ ու սպառնալիքներ: Այսօր մեր երկիրը խոռոխտյալ է ներքին խնդիրներով՝ կեղծիք, անօրինականություն, չարականություն, քինախնդրություն, արատավոր երևույթներ, որոնք հասարակության մեջ պատճառ են դառնում անվտանգության, անտարբերության, թշնամանքի ու պառակտումի և հանգեցնում ազգի տկարացման: Այս ամենին զուգորթաց քրիստոնեական բարոյական ընկալումների և ազգային-հոգևոր ավանդական արժեքների խեղաթյուրումը աղնատում է մեր ժողովրդի ինքնության դիմագիծը, թուլացնում ազգային ոգին, ներքաշում դեպի մեղքի, հուսահատության որոգայթներ: Սուրբ Ծննդյան խորհրդով մեզ վերադառնալու հրավերն է ուղղվում՝ ընթանալու սիրո, հաշտության, արդարության տերությունալիք ճանապարհով: Այս կոչն իրագործելի է միայն քրիստոնեական կենսակերպով: Այս կոչն իրագործելի է, եթե անձնական բարեկեցությանն ու հարմարավետությանը չզոհաբերենք մեր ինքնությունը, ժողովրդի անվտանգությունն ու հայրենիքի բարօրությունը: Չենք կարող ծառայել համընդհանուր բարիքին՝ տրվելով փառասիրությանն ու իշխանատենչության և առաջնայնություն տալով սեփական

շահերին: Մենք՝ որպես ազգ, լինի հայրենիքում թե սփյուռքում, կիսջողնք, եթե միշտ հավատարիմ մնանք Քրիստոսին, Նրա վարդապետությանը, բնթանանք Աստծո խոսքի և աստվածային կամքի համաձայն, ձերբազատվենք մոլորեցնող ու բաժանարար մարդկային նենգամտությունից:

Միաբանվենք հանուն մեր պետության անասանության և անվտանգության, Արցախից բռնի տեղահանված մեր քույրերի ու եղբայրների նկատմամբ արդարության վերականգնման, հանուն մեր ազգի ու հայրենիքի ապահով և բարօր հարատևության: Լինենք միմյանց գործակից և ոչ՝ հակառակորդ, լինենք նախաձեռնողի ծառայելու և ոչ՝ դիրքն ու հանգամանքը չարաշահելու մեջ: Տարագիր չդառնանք մեր երկրից, ապրենք ու արարենք մեր հարազատ բնօրրանում: Երեխաների նոր ծնունդով, արժանավոր զավակների դաստիարակությամբ հզորացնենք մեր ազգն ու հայրենիքը: Յուրաքանչյուր մեր կառույցի չափով ներդրում բերենք համազգային կյանքի առաջընթացին՝ ի պայծառություն մեր պետության և ի շահ մեր ժողովրդի լուսավոր գալիքի:

Սուրբ Ծննդյան ուրախալի ավետիսով ողջունում ենք Առաքելական մեր Սուրբ Եկեղեցու Նվիրապետական Աթոռների Գահակալներին՝ Ն. Ս. Օ. Տ. Տ. Արամ Ա Մեծի Տանն Կիլիկիո Կաթողիկոսին,

Երուսաղեմի Հայոց Պատրիարք Ամենապատիվ Տ. Նուրհան արքեպիսկոպոս Մանուկյանին, Կոստանդնուպոլսի Հայոց Պատրիարք Ամենապատիվ Տ. Սահակ արքեպիսկոպոս Մաշայանին, մեր Սուրբ Եկեղեցու ուխտապահ ողջ հոգևոր դասին: Մեր ողջույնն ենք հղում ի Քրիստոս Մեր հոգևոր եղբայրներին՝ քույր Եկեղեցիների Պետերին և հավատավոր իրենց հոտին: Հայրապետական Մեր սերն ու օրհնությունն ենք բերում համայն մեր ժողովրդին ի հայրենիս և ի սփյուռս աշխարհի:

Սուրբ Ծննդյան հոգեհորոգ այս օրը միասնաբար աղոթք մատուցենք մարդեղացյալ Աստվածորդուն և հայցենք, որ առատ լինեն երկնահեղ օրհնությունները ազգային ու հայրենական մեր անդաստանում, հաստատուն մնան տերությունալիք հավատքը, հույսն ու սերը մեր կյանքում: Խնդրենք Երկնավոր Տիրոջ գորակցությունը մեծ կորուստներ կրած և հարազատ բնօրրանից զրկված արցախահայությանը: Խնդրենք Ամենակալից, որ խաղաղություն ու բարօրություն հաստատվի ողջ աշխարհում և հայրենի մեր երկրում: Թող Աստծո ամենախնամ Աջը և Սուրբ Ծննդյան կենարար շնորհները մշտապես հովանի լինեն համայն մեր ժողովրդին այսօր և միշտ և հավիտյանս. ամեն:

Քրիստոս ծնաւ և յայտնեցաւ,
Չեզ և մեզ մեծ աւետիս:

Սուրբ Ծննդյան ճրագարույցի պատարագը Միաձնաէջ Մայր տաճարում

Նոյեմբերի 5-ին մեր Տեր և Փրկիչ Հիսուս Քրիստոսի Սուրբ Ծննդյան և Աստվածայտնության բերկրառատ տոնի առիթով, հանդիսապետությամբ Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի, Միաձնաէջ Մայր տաճարում մատուցվեց ճրագարույցի սուրբ պատարագ, որին մասնակցում էին Մայր Աթոռի միաբանները, Արցախի նախագահ տիար Սամվել Շահիրամյանը, ԱՀ պետական այրեր և ուխտավոր հայորդիներ:

Պատարագիցն էր Արցախի թեմի առաջնորդ Գերաշնորհ Տ. Վրթանես եպիսկոպոս Աբրահամյանը:


Մինչ սուրբ պատարագը կատարվեց Երեկոյան ժամերգություն, այնուհետև ընթերցվեցին սուրբգրային տարբեր հատվածներ, որից հետո Մայր Աթոռի չորս միաբան սարկավազներ ընթերցեցին Դանիելի մարգարեությունը: Սուրբ պատարագի ընթացքում Վրթանես սրբազանը, իր քարոզումներակցեցնելով Տիրոջ Սուրբ Ծննդյան խորհուրդը, ի մասնավորի նշեց. «Ինչպես ամեն մարդու ծնունդը կոչված է լինելու սիրո պատու, այնպես էլ Աստվածորդու ծնունդը մարդկության հանդեպ Աստծո գերագույն և անսակարկ սիրո գորավոր ապացույցն է: Քրիստոս իր ծնունդով սկիզբ դրեց մարդկության փրկչագործությանը, որն իր կատարումին հասավ Տիրոջ խաչելության ու հրաշափառ Հարության խորհրդով:

Ամենակարող Աստված ընտրեց մարդեղության ճանապարհը. եկավ աշխարհ և մեզ հիշեցրեց, որ կոչված ենք դեպի երկինք, դեպի Իրեն գնալու, ու իր կյանքով ցույց տվեց, թե ինչպիսին պետք է լինի այդ ընթացքը»:



Անդրադառնալով հայրենիքի առջև ծառացած մարտահրավերներին, անվտանգային խնդիրներին, Արցախի կորստին՝ Վրթանես սրբազանը նշեց. «Սուրբ Ծննդյան մտքի առաջ ծնկած՝ մենք աղոթում ենք մեր երկրի և պետականության անսասանության համար, այս պահին սահմանը հսկող մեր զինվորների համար, մեր նահատակ քաջորդիների հոգիների խաղաղության, անհայտ կորած և գերյալ մեր զավակների շուտափույթ վերադարձի համար»:

Պատարագից սրբազանը, խոսելով մանուկ Հիսուսի ծննդյամբ աշխարհին շնորհված խաղաղության մասին, ընդգծեց, որ աստվածային սկիզբը՝ հավերժ միավորված մարդկային բնության հետ, մարդուն վերադարձրեց հնարավորությունը՝ ապրելու Աստծո սիրո օրենքի համաձայն, գործելու հավատքով և հույսով նայելու ապագային:



աստվածային խաղաղությունը սիրո մարմնացյալ դրսևորումն է թե ազգային, թե հասարակական և թե ընտանեկան կյանքում:

Վերջում պատարագից եպիսկոպոսը, աղոթք վերառաքելով առ

Աստված, դիմեց ներկա հավատացյալներին՝ հորդորելով, որ Սուրբ Ծննդյան տոնախմբումը չլինի միայն սուրբգրային մի գեղեցիկ պատմիչի հիշատակում, այլ յուրաքանչյուրի սրտում ու հոգում ծնվի

մանուկ Հիսուս. «Ամենքս այսօր մեզ հարցնենք. «Իսկ իմ սրտում ես ծնունդ տվե՞լ եմ սիրո գործերի, իմ հոգում տեղ պատրաստե՞լ եմ հավատի համար և իմ մտքում վաճե՞մ պահել արդյոք հույսի ջախը»: Միայն դրական պատասխանի դեպքում Հիսուսի Ծնունդը պիտի լուսավորի մեր կյանքը և մեզ համար դառնա իրապես Սուրբ Ծնունդ»:

Սուրբ պատարագի ավարտին՝ նախատոնակի արարողության ընթացքում, Ամենայն Հայոց Կաթողիկոսը բարձրացավ Ավագ սուրբ խորան և վառեց Հիսուս Քրիստոսին խորհրդանշող մոմը, որից կենսատու լույսը բաշխվեց հավատացյալներին:

Այնուհետև Մայր Աթոռի միաբանությունը մեկտեղվեց Վեհարանում, ուր, նախագահությամբ Վեհափառ Հայրապետի, կատարվեց տարվա առաջին Տօրհներգը:



Հայրապետական սուրբ պատարագ Սուրբ Ծննդյան և Աստվածհայտնության տոնի առիթով

Նունվարի 6-ին Մայր Աթոռ Սուրբ Էջմիածնում մեծ հանդիսավորությամբ նշվեց մեր Տեր և Փրկիչ Հիսուս Քրիստոսի Սուրբ Ծննդյան և Աստվածհայտնության տոնը: Տոնի առիթով համայն հայության հոգևոր կենտրոնում՝ Միածնաէջ Մայր տաճարում, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը մատուցեց սուրբ և անմահ պատարագ:

Հայրապետական սուրբ պատարագին ներկա էին Գերագույն հոգևոր խորհրդի անդամներ, Մայր Աթոռի բարերարներ, Հայաստանում հավատարմագրված դիվանագիտական առաքելությունների և միջազգային կազմակերպությունների ղեկավարներ ու ներկայացուցիչներ, քաղաքական-հասարակական գործիչներ և ուխտավոր հայորդիներ:

Հայրապետական խաչվառագարը թափորը զանգերի դուղանքների ներքո Ամենայն Հայոց Կաթողիկոսին Վեհարանից ամպիովանիով ուղեկցեց դեպի Մայր տաճար: Հայրապետական ամպիովանին կրում էին Մայր Աթոռի ծարտարապետական խորհրդի ատենապետ Նարեկ Սարգսյանը, խորհրդի անդամներ Հովհաննես Սանամյանը, Աշոտ Մանասյանը և Ռուբեն Ազատյանը:

Սրբազան արարողությանը Հայոց Հովվապետին որպես առընթերակներ սպասավորում էին Գերաշնորհ Տ. Վազգեն արքեպիսկոպոս Միրզախանյանը և Գերաշնորհ Տ. Մուշեղ եպիսկոպոս Բաբայանը:

Սուրբ պատարագի ընթացքում Ամենայն Հայոց Կաթողիկոսը «Քրիստոս ծնաւ եւ յայտնեցաւ» հրեշտակաբարբառ

ավետիսով ողջունեց աշխարհասփյուռ հայությանը և տոնի առիթով հղեց իր պատգամը:

Հավարտ սուրբ պատարագի՝ կատարվեց Զորհնեցի արարողությունը: Սուրբգրային ընթերցումներից, ջորհնյաց շարականների երգեցողությունից և Բարսեղ Մեծի աղոթքից հետո Ամենայն Հայոց Կաթողիկոսը խաչով և սրբալույս մյուռնով օրհնեց ջուրը: Խաչի այս տարվա կնքահայրն էր ԵՀԽ հայաստանյան Կլոր սեղան հիմնադրամի գործադիր տնօրեն Կարեն Նազարյանը:

Զորհնեցի արարողության վերջում Վեհափառ Հայրապետը վերստին իր օրհնությունն ու Սուրբ Ծննդյան փրկարար ավետիսը փոխանցեց ներկա հավատավոր ժողովրդին:



Ամենայն Հայոց Կաթողիկոսն այցելեց «Եռաբլուր» զինվորական պանթեոն

Նունվարի 7-ին՝ Սուրբ Ծննդյան տոնին հաջորդող մեռելոց հիշատակության օրը, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը եպիսկոպոսաց և Մայր Աթոռ Սուրբ Էջմիածնի միաբանների ուղեկցությամբ այցելեց «Եռաբլուր» զինվորական պանթեոն՝ հարգանքի տուրք մատուցելու համուն հայրենիքի իրենց կյանքն ընծայաբերած քաջորդիների հիշատակին և աղոթելու նրանց հոգիների հանգստության ու խաղաղության համար: Ծաղկեպսակի զետեղումից հետո Ամենայն Հայոց Կաթողիկոսի մախազահությամբ կատարվեց հոգեհանգստյան կարգ:



Ամենայն Հայոց Կաթողիկոսը շնորհավորեց Մայր Աթոռի պաշտոնեականներ


Նունվարի 8-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն Ամանորի և Սուրբ Ծննդյան տոների առիթով հանդիպում ունեցավ Մայր Աթոռի տարբեր կառույցներում պաշտոնավարող աշխարհական աշխատակիցների հետ:

Տերունական աղոթքից հետո Մայր Աթոռի վարչատնտեսական բաժնի տնօրեն Գերաշնորհ Տ. Մուշեղ եպիսկոպոս Բաբայանը ներկաների անունից շնորհավորեց Նորին Սրբությանը հոգեմորոգ տոների առիթով և Հայոց Հորը փոխանցեց ամենքի սերն ու նվիրումը:

Մայր Աթոռ Սուրբ Էջմիածնի պաշտոնեական անունից Վեհափառ Հայրապետին շնորհավորական խոսք ուղղեց նաև վարչատնտեսական բաժնի փոխտնօրեն տիար Արմեն Ղազարյանը:

Այնուհետև ներկաներին իր հայրապետական օրհնությունն ու բարեմաղթանքները փոխանցեց Նորին Սրբություն Գարեգին Երկրորդ Ամենայն Հայոց Կաթողիկոսը:

Հայոց Հայրապետը, շնորհավորելով Ամանորի և Սուրբ Ծննդյան տոների առի-



թով, բարձրորեն գնահատեց Մայր Աթոռի պաշտոնեական մախանձախնդիր ծառայությունն ու նվիրումը՝ ի խնդիր Սուրբ Էջմիածնի առաքելության առավել արդյունավորման ու զորացման:

Այս առնչությամբ Նորին Սրբությունը գոհունակությամբ անդրադարձավ նաև անցնող տարում Մյուռնօրհնության և Մայր տաճարի վերածնունդին՝ Հայ Եկեղեցու և Ժողովրդի կյանքում կարևորագույն իրադարձություն-

ների կազմակերպման գործում Մայր Աթոռի աշխարհիկ պաշտոնեական անուրանալի ներդրմանը:

Ամենայն Հայոց Հայրապետը հորդորեց Մայր Աթոռի աշխատակիցներին զորեղ կամքով, հույսով և հավատով դիմակայել առկա բոլոր փորձություններին ու դժվարություններին՝ վստահություն հայտնելով մաս, որ մեր ժողովրդի զավակներն աստվածապալիմությամբ կարող կլինեն հաղթահարել հայրենիքի առջև ծառացած մարտահարվերները:

Իր խոսքում Հայոց Հովվապետն ընդգծեց, որ եկեղեցին հովվական, հոգևոր-խնամատարական և սոցիալական գործունեությամբ իր կարելի ջանքերն է ներդնում՝ ի նպաստ հայ ժողովրդին բաժին հասած դժվարությունների հաղթահարման:

Հանդիպման վերջում Ամենայն Հայոց Կաթողիկոսը Մայր Աթոռի աշխատակիցներին մաղթեց Աստծո օգնականությունն ու պահպանությունը՝ հայցելով Երկնավորի օրհնությունն ու շնորհները նրանց ընտանիքներին, որպեսզի ուրախության զգացումով կարողանան ամբողջամբվե ծառայություն բերել Սուրբ Եկեղեցուն և հայրենիքին:

Ամենայն Հայոց Կաթողիկոսն ընդունեց «Բոյա» գիտահետազոտական կենտրոնի պատվիրակությանը

Նունվարի 13-ին Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց «Բոյա» գիտահետազոտական կենտրոնի (Պեկին) պատվավոր նախագահ Ռուի-ցի Լիուի գլխավորած պատվիրակությանը:

Հյուրերն Ամենայն Հայոց Ծայրագետին ներկայացրին կենտրոնի ծրագրերը և գործունեությունը, ինչպես նաև Հայաստան այցի նպատակը՝ ուսումնասիրել հայկական մշակույթը, ավանդույթները, Հայ Եկեղեցու պատմությունն ու գործունեությունը:

Այնուհետև Նորին Սրբությունն իր գնահատանքը բերեց կենտրոնի ներկայացուցիչներին Հայաստանում մանորինակ նախաձեռնության իրականացման համար: Ամենայն Հայոց Կաթողիկոսն անդրադարձ

կատարեց Սուրբ Էջմիածնի առաքելությանը հայ ժողովրդի կյանքում՝ մասնավորապես ընդգծելով քրիստոնեական հավատքի կարևոր դերակատարությունն ազգային ինքնության, հոգևոր-մշակութային ժառանգության կերտման, ինչպես և ազգապահպանության գործում:

Զրույցի ընթացքում Նորին Սրբությունը գոհունակությամբ անդրադարձավ նաև հայ-չինական պատմական առնչակցություններին և Չինաստանում վերջին շրջանում ձևավորված փոքրաթիվ հայ համայնքի կյանքին՝ հույս հայտնելով, որ «Բոյա» գիտահետազոտական կենտրոնի նախաձեռնությունը կնպաստի երկու ժողովուրդների փոխճանաչողության խորացմանը և կապերի առավել սերտացմանը:



Իր հերթին տիար Ռուի-ցի Լիուն Հայոց Ծայրագետին տեղեկություններ փոխանցեց Արևմտյան Հայաստանում և Թբիլիսիում ար-

դեն իսկ իրականացված հայկական հոգևոր-մշակութային ժառանգության ուսումնասիրությունների և ապագայի ծրագրերի մասին:

Կատարվել են եկեղեցականների նոր նշանակումներ

Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հայրապետական տնօրինությամբ կատարվել են եկեղեցականների նոր նշանակումներ:

Հոգեշնորհ Ս. Վիրապ արեղա

Սարգսյանը ծառայության է նշանակվել Մայր Աթոռ Սուրբ Էջմիածնի Քրիստոնեական դաստիարակության կենտրոնում, Հոգեշնորհ Ս. Մաշտոց արեղա Մխիթարյանը ծառայության է կոչվել Վեհարանում՝ որպես Կաթողիկոսական գրասե-

ռյակի գործավար-քարտուղար, Արժանապատիվ Ս. Նարեկ քահանա Սարգսյանը՝ Արագածոտնի թեմում, Արժանապատիվ Ս. Թադևոս քահանա Գևորգյանը՝ Կրասնոդարի և Հյուսիսային Կովկասի հայոց թեմում, Արժանապատիվ Ս. Արամ

քահանա Բաղդմյանը՝ Տավուշի թեմում, Արժանապատիվ Ս. Երեմիա քահանա Վարդանյանը՝ Ռուսաստանի և Նոր Նախիջևանի հայոց թեմում:

Արժանապատիվ Ս. Գաբրիել քահանա Վարդանյանը, ազատվելով

Գևորգյան հոգևոր ճեմարանում ստանձնած պարտականություններից, ծառայության է կոչվել Կանադայի հայոց թեմում:

Լրատվական նյութերը՝
Մայր Աթոռ Սուրբ Էջմիածնի տեղեկատվական համակարգի

ՔՐԻՍՏՈՆՅԱ ԲԱՐԵԿՐԹՈՒԹՅՈՒՆ

Սուրբ Նիկողայոս Արանչելագործ Հայրապետը՝ Չմեռ պապի նախատիպ

Ամանորը, թերևս, մանուկների և, ինչհիշում է, շատ մեծահասակների ամենասիրելի տոնն է: Ծառերի համար այն ընտանեկան ջերմության, հարազատության և լիասիրտ ուրախության հետ է ամենակցվում:

Ինչպես ցանկացած տոն, Ամանորը ևս առանձնանում է իրեն ներհատուկ խորհրդանշաններով և ողջ աշխարհում ճանաչված գտած կերպարներով: Ամանորի գլխավոր կերպարը Չմեռ պապն է կամ, ինչպես շատ երկրներում են նրան անվանում, Սանտա Կլաուսը, առանց որի Նոր տարին ոչ ոք չի պատկերացնում: Չմեռ պապը բոլորիս մանկության այն կիսաառասպելական կերպարն է, որին մենք մամակներ էինք գրում՝ անհամբեր սպասելով նրա հայտնությանը և ամանորյա նվերներին:

Ծառերը հեքիաթ են համարում Չմեռ պապի մասին պատմությունները, մինչդեռ նա իրականում գոյություն է ունեցել, ավելին՝ Ընդհանրական Եկեղեցուն ճանաչված սուրբ հայրապետներից է: Երբ Ն. Ս. Օ. Ս. Տ. Գարեգին Երկրորդ և Սուրբ Նիկողայոսը, հավանաբար, երբեք էլ կարմիր կամ կապույտ զգեստով չի նստել իր եղնիկներով սահմակը և Ձյունամուշի ուղեկցությամբ սավառնել ձյունաբեր ամպերի վրայով, սակայն արել է ամենակարևորը. նվերներ է բաժանել: Եվ մեր պատմական Չմեռ պապի անունն է Սուրբ Նիկողայոսը:

Սուրբ Նիկողայոսը, ըստ ավանդության, ծնվել է 270 թ. Փոքր Ասիայի Լիկիա գավառի Պատարա քաղաքում (ներկայիս Անթալիայի մոտակայքում)՝ քրիստոնյաների ընտանիքում: Ազգությամբ եղել է հույն: Նիկողայոս անունը հունարենից թարգմանաբար նշանակում է ժողովուրդների հաղթող: Հոգևորական է դարձել ձեռնադրվելով իր մորեղորդ կողմից, որը Լիկիայի Միռա քաղաքի եպիսկոպոսն էր: Այնուհետև դարձել է Միռայի եպիսկոպոս: Ի թիվս բազում հրաշագործությունների, որոնց համար ստացել է Աքանջելագործ պատվանունը, նրա մասին պահպանվել է այս հետաքրքրական պատմությունը ևս:

Մի սնանկացած մարդ երեք դուստր ուներ, որոնց պետք է ամուսնության տար: Ժամանակի ընդունված կարգն էր՝ հայրը պետք է դատերն օժիտ հատկացներ, սակայն վերջինս անհրաժեշտ գումարը չուներ: Վշտացած հոր միակ ելքը մնում է դատերին ստրկության վաճա-



Ս. Նիկողայոս Արանչելագործ, ծաղկող՝ Մինաս, Երևան, ձեռ. 508 թ., էջ 44 ա, ճաշոց, 1460 թ., Արծկե

ռելը: Իմանալով այդ մասին՝ Սուրբ Նիկողայոսը գիշերը թաքուն մոտենում է նրանց տանը և բաց պատուհանից ոսկով լի քսակ նետում, ինչի շնորհիվ էլ դատերից մեկի հարսանիքը կազմակերպում են: Այդպես նա երեք անգամ գիշերով ոսկի է նետում այդ մարդու տուն, և երեք դուստրերն էլ ամուսնանում են: Այսպիսով՝ Սուրբ Նիկողայոսը աղջիկներին փրկում է ստրկությունից: Ասում են՝ հայրը երկրորդ դատերն ամուսնացնելուց հետո գիշերները հսկում է, որ գտնի զաղտնի բարերարին, և երրորդ քսակը նետելու ժամանակ Սուրբ Նիկողայոսի անձը բացահայտվում է:

Այս պատմության հետ է կապված նաև ամանորյա նվերները գուլպայի մեջ դնելու՝ աշխարհում ընդունված ավանդույթը: Սուրբ Նիկողայոսի նետած քսակներից մեկը, ըստ ավանդության, ընկել է կրակի մոտ կախված գուլպայի մեջ:

Սուրբ Նիկողայոսն իր կյանքի ընթացքում բազում այլ բարեգործություններ ևս արել է: Լինելով հարուստ ընտանիքից սերված զավակ՝ ծնողների մահից հետո նա վաճառվում է իր ունեցվածքը՝ ըստ Ավետարանական այն խոսքի, որ «Եթե կա-

մնում ես կատարյալ լինել, գնա վաճառիր ինչ որ ունես ու աղքատներին տուր և երկնքում զանձեր կունենաս. և վերցրու խաչդ և արի՛ իմ հետևից» (Մարկ. 10:21), գումարը բաժանում աղքատներին՝ ինքը մկրվելով հոգևոր ծառայությանը:

Սուրբ Նիկողայոսը նաև ուղղափառ հավատի եռանդուն պաշտպան է եղել: Նա Դիոկղետիանոս արքայի հալածանքների օրոք ձերբակալվել և աքսորի է ենթարկվել: Հալածանքներից հետո պայքարել է արիստական հերձվածի դեմ և 325 թ. մասնակցել Նիկիայի Տիեզերական ժողովին:

Հայաստանյայց Եկեղեցու տոմարացում Սուրբ Նիկողայոս Աքանջելագործի տոնը սովորաբար նշվում է դեկտեմբերի սկզբին: Նա համարվում է համայն Ռուսաստանի պահպան սուրբը, նաև նավաստիների, վաճառականների, ուսանողների և մանուկների բարեխոս սուրբն է: Իսկ աշխարհում տարածված Սանտա Կլաուս (Santa Claus) անունն առաջացել է Սուրբ Նիկողայոս (Saint Nicholas) անվան կրճատված և փոփոխված ձևից: Կլաուս-ից է առաջացել նաև հայերեն Կաղանդ բառը:

Ամշուշտ, Նիկողայոս Հայրապետը, համաձայն իր անվան թարգմանության, իրապես հաղթանակել է՝ ժողովուրդների մեջ իր թողած անջնջելի հիշատակով: Նրա բարեգործությունների մասին ավանդություններն այնպես են արժանավորվել քրիստոնյա աշխարհում, որ իր մահից 1700 տարի անց էլ Սուրբ Նիկողայոսը համարվում է մեծագույն տոներից մեկի ամենաճանաչելի խորհրդանշանը: Այդ, կերպարը դարերի ընթացքում կրել է որոշ փոփոխություններ, տարբեր ժողովուրդներ սեփական պատկերացումներն ու առասպելական տարրերն են ավելացրել նրան, սակայն բուն քրիստոնեական մկրաբերման ու սիրո ոգին մնացել է նույնը: 2-րդ դարից երեք դուստրերի հայրն էր գիշերները հսկում, որպեսզի հանդիպի իր բարեգործին, այնպես էլ մենք մանուկ հասակում գեթ մեկ անգամ փորձել ենք տեսնել այն պահը, թե ինչպես է Չմեռ պապը մեր տուն բերում բաղձալի նվերները: Եվ հենց այդ սպասումը և ուրախությունն են Սուրբ Նիկողայոս հայրապետի գործի շարունակականությունն ու անմահությունը:

Սոնա ՔԵՇԻՇՅԱՆ

ՄԻՍԱԲ ՄԵԾԱՐԵՆՑ ՏՈՒՐ ԻՆԾԻ, ՏԷՐ...



Տնոր ինծի, ՏԷՐ, ուրախութիւնն անանձնական. Ծաղիկներն պէս զայն ժողվեն ճամբուս վրան՝ Նայուածքներուն մէջ ամէնուն եւ ամէն օր: Տնոր ինծի, ՏԷՐ, ուրախութիւնն անանձնական. Եւ ես՝ հանգոյն երփնալուցիկ վառող մանկան, Չայն գունաժպիտ տեսնեմ ուրիշ դէմքի մը վրան: Տնոր ինծի, ՏԷՐ, ուրախութիւնն անանձնական. Չանգակներն պէս զայն կախեմ ամէն դըրան Ու գերթ մարօտ ամէն դըրան զայն պըսակեն: Տնոր ինծի, ՏԷՐ, ուրախութիւնն անանձնական. Երազներու պէս զայն բոցեմ բազմաստեղման խաւարին մէջ ամէն երդ ու խրճիթներու: Տնոր ինծի, ՏԷՐ, ուրախութիւնն անանձնական. Չայն սրբասաց իմ հոգեակիս ընեմ խորան, Չայն իմ մտքիս ծրխեմ՝ գերթ խուկն բազմաբուրեան: Տնոր ինծի, ՏԷՐ, ուրախութիւնն անանձնական, Ու չըլլայ որ ուրիշներու կոծն ու կական խեղդել ուզեմ ջրվժիմ մէջ փափա ձայնի: Տնոր ինծի, ՏԷՐ, ուրախութիւնն անանձնական, Ու չըլլայ որ ծափիս ձայնի երգը գուժկան Եսիս սեմեակն ունենայ՝ ցնրտ առանձնարան: Տնոր ինծի, ՏԷՐ, ուրախութիւնն անանձնական. Ու սեղանիս վըրայ դրուած մէն մի նըկան՝ Չոյզ մը խիմղեր գեթ ունենայ թող խաչանիշ: Տնոր ինծի, ՏԷՐ, ուրախութիւնն անանձնական. Ու բաղխեմ զայն սրտիս ժայռիմ՝ իբրեւ մական՝ Որ բղխեցնէ ջուրն աներկմիտ երանութեան: Տնոր ինծի, ՏԷՐ, ուրախութիւնն անանձնական. Չայն ջուրերու վըրայ ձըգեմ իբրեւ ուռկան, Չայն իբր արօր ակօսներուն ձըգեմ վըրան: Տնոր ինծի, ՏԷՐ, ուրախութիւնն անանձնական. Չայն իբր անձրեւ ցօղեմ ամէն դաշտին վըրան, Չայն իբր արեւ բաշխեմ ամէն հորիզոնի: Տնոր ինծի, ՏԷՐ, ուրախութիւնն անանձնական. Չայն ընդգրկած խեղալիմ ըլլամ որսկան. Չայն լաստ ըրած ես Լոյսերու մարդիմ ըլլամ: Տնոր ինծի, ՏԷՐ, ուրախութիւնն անանձնական. Ժողվել՝ հոգոյն մէջ ծերերուն, կոյսին, մանկան, Պարզ մարդերուն՝ գեղջուկներուն ու բանտարին: Տնոր ինծի, ՏԷՐ, ուրախութիւնն անանձնական. Ժողվել՝ հոգոյն մէջ ամէնուն, համայնական Հոգոյն ամէն մասնիկներուն մէջ՝ ամէն ժամ: Եանքաներէն, ու գետերէն, ու դաշտերէն, Ամտառներէն, ու լեռներէն, ու ձորերէն, Տանիքներէն, ու տուններէն, ու դուռներէն՝ Տնոր ինծի, ՏԷՐ, ուրախութիւնն անանձնական:

Մուրբ Ծնունդ և Աստվածաշայտնություն

Սուրբ Ծնունդը քրիստոնեական աշխարհի ամենալուսավոր և գեղեցիկ տոներից է, որը բոլորին ավետում է աշխարհի Փրկչի՝ Հիսուս Քրիստոսի ծնունդի և հայտնության մասին, այդ պատճառով կոչվում է Սուրբ Ծննդյան և Աստվածաշայտնության տոն։ Լինելով Հայ Եկեղեցու հինգ տաղավար տոներից առաջինը՝ այն մշտապես տոնվում է հունվարի 6-ին։ Դեպքը պատմվում է Աստվածաշնչում՝ Նոր Կտակարանում, Մատթեոսի և Դուկասի Ավետարաններում։

Մեզանից երկու հազար տարի առաջ Բեթղեհեմ քաղաքում՝ մսուրի մեջ, ծնվեց մի Մանուկ, Որ փոխեց մարդկության պատմությունը։ Ավետարանիչը պատմում է, որ Աստված, ընտրելով Հովսեփի նշանած Մարիամին, նրա մոտ է ուղարկում Իր հրեշտակին՝ Գաբրիելին, որ Նազարեթում երևալով՝ նրան ավետում է. «Մի վախեցիր, Մարիամ, որովհետև Աստծուց շնորհ գալիս։ Եվ ահա կհղիանաս ու կծնես մի որդի և անունն էլ Հիսուս կդնես» (Դուկաս 1:30–31)։ Դուկաս ավետարանիչը Սուրբ Ծննդյան պատմությունն սկսում է նրանից, թե ինչպես Հռոմի կայսր Օգոստոսի հրամանով՝ այդ օրերին բոլորը մեկնում էին իրենց ծննդավայր՝ մարդահամարին մասնակցելու։ Մարիամի նշանածը՝ Հովսեփը, Դավթի տոհմից էր և հետևելով կարգին՝ մեկնում է Բեթղեհեմ՝ Դավթի քաղաքը՝ այնտեղ գրանցվելու համար։ Բեթղեհեմում լրանում են Մարիամի հղիության օրերը, և հենց այնտեղ՝ մսուրում, քանի որ իջևանատներում տեղ չկար, ծնվում է Հիսուսը։

Հիսուսի ծննդյան լուրը հրեշտակն առաջինն ավետեց հովիվներին, որոնք գիշերն իրենց ոչխարների հոտն էին պահպանում. «Մի վախեցեք, որովհետև ահա ձեզ մեծ ուրախություն եմ ավետում, որն ամբողջ ժողովրդին կլինի։ Քանզի այսօր Դավթի քաղաքում ձեզ համար ծնվեց մի Փրկիչ, Որ Օծյալն է՝ Տերը» (Դուկաս 2:10–11)։ Հովիվները, որ պարզ ժողովրդի անմիջական ներկայացուցիչներն էին, առաջինն իմացան աշխարհի փրկության լուրը և ակնառաջ եղան, թե ինչպես են հրեշտակները երգելով փառաբանում. «Փառք Աստծուն Բարձունքներում, խաղաղություն երկրի վրա և հաճություն մարդկանց մեջ» (Դուկաս 2:14)։



Սանդրո Բոտիչելլի, Հիսուսի ծնունդը, 1473—1475 թթ.



Սանդրո Բոտիչելլի, Սոգերի երկրպագությունը, 1474 թ.

Մատթեոս ավետարանիչը պատմում է, որ Հիսուսի ծնունդից հետո արևելքից մոգեր են գալիս Երուսաղեմ՝ նրան երկրպագելու (Մատթեոս 2:1–2)։ Հրեաները սխալ էին հասկացել մարգարեներին և սպասում էին, որ պետք է ծնվեր մեկը, որ պատերազմելու էր բոլոր թշնամիների դեմ և ստեղծելու էր իրենց անկախ թագավորությունը։ Հետևա-

բար՝ մոգերի՝ Երուսաղեմ գալն ու Մեսիայի ծնվելու մասին լուրեր տարածելն անհանգստացնում են Հերոդեսին, որ Հրեաստանի թագավորն էր։ Վախենալով իր իշխանության համար՝ Հերոդեսը գաղտնի ուղարկում է մոգերին՝ Մանկանը գտնելու, որպեսզի իբրև թե ինքն էլ գնա և երկրպագի Նրան։ Սոգերը, հետևելով աստղին, որ տեսել էին արևելքում, գտնում են մսուրը և մտնելով՝ տեսնում Մանկանը մոր գրկում, ինչպես և պատկերված է բոլոր եկեղեցիների ավագ խորաններին. «Եւ երբ այն տունը մտան, տեսան մանկանը իր մօր՝ Մարիամի հետ միասին եւ ընկան ու երկրպագեցին նրան. եւ բանալով իրենց զանձատուփերը՝ նրան նուէրներ մատուցեցին՝ ոսկի, կնդրուկ և զմուշ։ Եւ երազի մէջ Աստծուց հրաման առնելով չվերադառնալ Հերոդէսի մօտ, այլ ճանապարհով գնացին իրենց երկիրը» (Մատթեոս 2:11–12)։ Այսպիսով՝ մոգերը Մանկանը գտնելուց հետո, երազ տեսնելով, չեն հայտնում Հերոդեսին ծննդյան ստույգ վայրը և վերադառնում են իրենց երկիր։

Երբ Հերոդեսը հասկանում է, որ մոգերից խաբվել է, գայրացած ուղարկում է մարդկանց և կոտորել տալիս Բեթղեհեմում ու շրջակայքում գտնվող երկու տարեկան և ավելի փոքր բոլոր մանուկներին (Մատթեոս 3–16)։

Հիշատակված մոգերի մասին ուրիշ ոչ մի տեղեկություն չկա Աստվածաշնչում։ Մնացածն իմանում ենք հայրերի աշխատություններից և սրբազան ավանդությունից։

Եկեղեցու հայրերից ոմանք խորհրդանշական տասներկու մոգերի մասին են խոսում։ Վաղբրիստոնեական հեղինակներից Որոգինեսը խոսում է միայն երեք մոգերի մասին՝ նրանց կողմից մատուցված ընծաների պատճառով։ Բեդա Պատվելին նույնիսկ նրանց անուններն է հիշատակում՝ Մելքոն, Գասպար և Բաղդասար։ Հիշենք՝ մոգ հիմնականում կոչում էին գրադաշտական քահանաներին կամ բաբելոնացի աստղագետներին։ Ուշ շրջանում քրիստոնյա հեղինակներն սկսեցին մոգերին պատկերել թագավորների կերպով։ Եվրոպական որոշ երկրներում վերջիններս համարվում են ճանապարհորդների հովանավոր սրբեր, և այդ պատճառով հա-



Վարդգես Սուրենյանց, Տիրամայրը Մանկան հետ, 1891 թ.

ճախ հնարավոր է հանդիպել նրանց անուններով հյուրանոցների։

Եկեղեցական ավանդություններից մեկում պատմվում է, որ Հեղինե կայսրուհին չորրորդ դարում հայտնաբերել է մոգերի մասունքները և տարել Կոստանդնուպոլիս։ Մատթեոս ավետարանիչը վկայում է, որ մոգերն իրենց զանձատուփերով ընծաներ էին բերել Քրիստոսին՝ ոսկի, կնդրուկ և զմուշ։ Ոսկին, ինչպես գիտենք, թանկարժեքություն է և խորհրդանշում է Հիսուսին՝ որպես Թագավորի։ Կնդրուկը, այսինքն՝ խունկը, օգտագործվում է ծիսական արարողությունների և երկրպագությունների ժամանակ և մատուցվում է Աստծուն։ Սա մատնանշում է Հիսուսին՝ որպես Աստծու Որդու, Որին պաշտում են երկնքում և երկրի վրա։ Իսկ զմուշը բուսական խեժ է, որն օգտագործում են մուսիֆիկացման և մահացածների մարմինները պատրաստելու համար։ Չմուշը կանխատեսում է Հիսուսի մահն ու թաղումը՝ հիշեցնելով, որ Նա ծնվել է, որ մահանա մարդկության մեղքերի համար։ ➔ էջ 7

Միտ խորհրդաբանությունը Աստվածաշնչում

«Սիրելիներ, սիրենք միմեանց, քանի որ սերն Աստծուց է. եւ ամէն ոք, ով սիրում է, Աստծուց է ծնուած եւ ճանաչում է Աստծուն։ Իսկ նա, ով չի սիրում, չի ճանաչում Աստծուն, քանի որ Աստուած սեր է։ Եւ սրանում երևաց Աստծու սերը մեր հանդէպ. այն, որ Աստուած իր միածին Որդուն աշխարհ ուղարկեց, որպէսզի նրանով կենդանի լինենք։ Սրանում է սերը. մենք չէ, որ սիրեցինք Աստծուն, այլ նա սիրեց մեզ եւ ուղարկեց իր Որդուն մեր մեղքերի քաւութեան համար։ Սիրելիներ, եթէ Աստուած այսպէս սիրեց մեզ, ապա մենք եւս պարտաւոր ենք սիրել միմեանց»։

Ա Յովհ., 4–7:11

Սիրո գաղափարը գերակա է Սուրբ Գրքում՝ սկզբից մինչև վերջ՝ Հին ու Նոր Կտակարաններում։ Հին Կտակարանում սիրո դէպքում օգտագործվում է եբրայերեն «*ահավա*» բառը, իսկ Նոր Կտակարանում կիրառված են «*ագապե*» և «*ֆիլիա*» բառերը։ Եթե «*ահավա*»-ն իր մեջ ամփոփում է սիրո բոլոր ձևերն ու իմաստները, ապա հունարենում տարբերություն կա վերոնշյալ երկու դրսևորումների միջև։ «*Ագապե*»-ն, որ ավելի հաճախ է գործածվում, Նոր Կտակարանում ունի շատ լայն ընդգրկում՝ մարդկային սիրուց մինչև աստվածային սեր, իսկ «*ֆիլիա*» բառով բնութագրվել է եղբայրական, ընկերական կամ բարեկամական սերը։


Աստվածաշնչի պատումի ողջ ընթացքում սերը, անկախ նրանից՝ մարդկանց փոխհարաբերություններին է առնչվում, թե՛ Աստծուն, ողջ աշխարհի գոյության առանցքն է։ Ինչպես շատ աստվածաբաններ են մշում, Աստված աշխարհն արարել է սիրո գերառատությունից։ Արարչությունից հետո Սուրբ Գրքի

ողջ ընթացքը կարելի է բնութագրել որպես Աստծո սիրո անվերջ դրսևորում մարդկության նկատմամբ։

Ինչպես որ Աստվածաշնչի գրքերն են բազմաժանր և յուրաքանչյուր, այնպես էլ սիրո խորհրդաբանության դրսևորումներն են տարբերվում գրքից գիրք։ Օրինակ՝ «Երգ երգոց»-ը լի է փեսայի և հարսի միջև սիրո խորհուրդներով ու պատկերներով։ Այս գիրքը եկեղեցական հայրերի կողմից մեկնաբանվել է այլաբանորեն, ըստ որի՝ փեսան Քրիստոսին է խորհրդանշում, իսկ հարսը՝ եկեղեցին։ Սակայն ամզամ ոչ այլաբանորեն մեկնաբանելու դեպքում այն մի հրաշալի ստեղծագործություն է, որը լավագույնս է բնութագրում մարդկային սիրո դրսևորումներից մեկը։ Ահա մի հատված «Երգ երգոց»-ից.

«Վեր կաց, իմ սիրելի, իմ գեղեցիկ, իմ աղանի։ Ահա ձմեռն անցաւ, անձրևները անցան-գնացին, ծաղիկները երևացին մեր երկրում, էտելու ժամանակը հասաւ, տատարակի ձայնը լսուեց մեր երկրում։ Թզենին իր բողբոջն արձակեց, ծաղկած որթերը տարածեցին իրենց հոտը։ Վեր կաց, իմ սիրելի, իմ գեղեցիկ, իմ աղանի։ Ո՛վ իմ աղանեակ, դու, որ պատսպարուել ես վէմի հովանու տակ, ցոյց տուր քո երեսն ինձ քո ձայնը, քանզի քաղցր է քո ձայնը, եւ գեղեցիկ է երեսը քո»։ (Երգ երգոց 2:10–14)

Իսկ Եփես. 5:28 հատվածում կարդում ենք. «Մարդիկ պարտավոր են սիրել իրենց կանանց իբրև իրենց մարմինները. ով սիրում է իր կնոջը, ինքն իրեն է սիրում»։



Ֆրանց Պֆոռ, Սուլամիթա և Մարիամ, 1810—1811 թթ.

Կնոջ և տղամարդու միջև սերը Աստծո կողմից օրհնված է և միտված մարդու երջանկությանն ու բարիքին։ Աստված, օրհնելով Ադամի և Եվայի միասնությունը, նրանց կոչեց երկուսով մի մարմին լինելու (Ծննդ. 2:24)։

Հին Կտակարանում նույն բառով է արտահայտվում նաև ծնող-զավակ սերը։ Օրինակ՝ Աբրահամի սերն իր որդի Իսահակի հանդեպ (Ծննդ. 22:2, 22:16), Իսահակի և Ռեբեկայի սերը որդիների՝ Եսավի և Հակոբի նկատմամբ (Ծննդ. 25:28)։

Սուրբ Գրքում մեծ կարևորություն է տրվում նաև ընկերական սիրուն՝ հիմնված հավատարմության վրա։ Այսպես՝ Ա Թագ. 18:3-ում կարդում ենք. «Յովնաթանը Դաւթի հետ ուխտ դրեց, քանզի Յովնաթանը նրան իր անձի պէս էր սիրում»։

Աստված ժողովրդին պատվիրում է սիրել

ամզամ օրենքի մակարդակով։ Երբ Քրիստոսին հարցնում են, թե ի՞նչ է օրենքի մեծագույն պատվիրանը, Նա պատասխանում է. «Պիտի սիրես քո Տէր Աստծուն քո ամբողջ սրտով, քո ամբողջ հոգով ու քո ամբողջ մտքով։ Այս է մեծը եւ առաջին պատուիրանը. եւ երկրորդը սրա նման է. պիտի սիրես քո ընկերոջը, ինչպէս քո անձը։ Այս երկու պատուիրաններից են կախուած ամբողջ Օրենքը եւ մարգարէները» (Մատթ. 22:37–40)։ Հարկ է նշել, որ այս երկու պատվիրանները վերցված են Բ Օրինաց 6:5–6 և Ղևտ. 19:19–18 հատվածներից։

Սերը նաև հանրային կյանքի հիմքերից մեկն է։ Ղևտ. 19:18 դրվագում կարդում ենք. «Վրեժխնդիր մի լինիր և քո ժողովրդի դեմ ոխ մի ունեցիր։ Պիտի սիրես քո ընկերոջը՝ ինչպես ինքը թեզ, քանզի ես եմ Տերը»։ Այս հատվածը շատերի կողմից ընկալվել է որպես Հնգամատյանի՝ կենտրոնական մշանակություն ունեցող սկզբունք։ Ռաբբի Ակիվան այն կոչել է «Թորայի մեծագույն սկզբունք»։ Սրա կողքին Ղևտականում կա նաև մի կարևոր դրույթ. «Եթէ ձեր երկրում օտարական հաստատուի, նրան չնեղեք։ Ձեր երկրի տեղաբնակի պէս ընդունեցէք նրան, եւ եկուորը թող բնակուի ձեզ մօտ։ Նրան սիրի՞ր քո անձի պէս, որովհետև դուք էլ պանդուխտ եղաք եգիպտացիների երկրում» (Ղևտ. 19:33–34)։ Հնգամատյանը սիրո միջոցով կարգավորում է մտցնում հասարակական հարաբերությունների մեջ։ Օտարականին սիրելու պատգամը կարևոր է՝ հասկանալու, որ Աստծո կողմից պատգամված սերը միայն ազգակիցների հանդեպ չէ, որ պետք է դրսևորվի։

Հովհաննես առաքյալի առաջին ընդհանրական թղթում կարդում ենք. «Քանզի այս է Աստծու հանդէպ մեր սէրը. որ պահենք նրա պատուիրանները» (Ա Յովհ. 5:3)։ ➔ էջ 6

Սուրբ Հովհաննես Կարապետի ծննդյան տոներ

«Այա ինչ տեսնելու ելաք. մի մարգարէ՛ այր, ասում եմ ձեզ. առաւել քան մի մարգարէ, որովհետև նա է, որի մասին գրուած է. «Ահա ես կուղարկեմ իմ պատգամաւորին քո առջևից, որ քո առաջ ճանապարհը պատրաստի»»

(Մատթ. 11. 9–11):

Սուրբ Հովհաննէս Սկրտչի ծննդյան տոնը նշվում է Հիսուս Քրիստոսի Անվանակոչության հաջորդ օրը՝ հունվարի 14-ին, եթէ այդ օրը չորեքշաբթի, ուրբաթ կամ կիրակի չէ: Եթէ Առաջավորաց պահից մի մասը հանդիպում է Սուրբ Ծննդյան ութօրեքի մեջ, ապա Սկրտչի ծննդյան տոնը նշվում է Առաջավորաց պահից անմիջապէս հետո՝ շաբաթ օրը:

Հովհաննէս Սկրտչի ծննդյան և գործունեության վերաբերյալ տեղեկություններ են արձանագրված Ավետարաններում: Կարապետի ծննդյան պատմությունը հետևյալ կերպ է նկարագրված Ղուկասի Ավետարանում. «Հրէաստանի Հերոդէս թագաւորի օրով Աբիայի քահանայական ընտանիքից Չաքարիա անունով մի քահանայ կար, որի կինը Սիարոնի դստերից էր. նրա անունը եղիսաբէթ էր: Եւ երկուսն էլ Աստծու առաջ արդար էին ու անարատ կերպով ընթանում էին Տիրոջ բոլոր պատուիրաններին եւ օրէնքների ճանապարհով: Նրանք որդի չունէին, որովհետև եղիսաբէթը ամուլ էր, եւ երկուսն էլ իրենց առաջացած տարիքում էին: Եւ մինչ Չաքարիան Աստծու առջև իր քահանայական պաշտօնն էր կատարում, իր կարգի օրերը հասած լինելով՝ ըստ քահանայութեան օրէնքի նրան վիճակուեց մտնել Տիրոջ տաճարը եւ խնկարկել: Եւ խնկարկութեան ժամին ժողովրդի ամբողջ բազմութիւնը դրսում աղօթքի էր կանգնած: Եւ Տիրոջ հրեշտակը երևաց նրան՝ խնկերի սեղանի աջ կողմում կանգնած: Երբ Չաքարիան նրան տեսաւ, խռովուեց, եւ վախ ընկաւ նրա մէջ: Տիրոջ հրեշտակը նրան ասաց. «Մի վախեցիր, Չաքարիա, որովհետև քո աղօթքը լսելի եղաւ. քո կինը՝ եղիսաբէթը, մի որդի կը ծնի քեզ, եւ նրա անունը Յովհաննէս կը դնես: Նա քեզ համար ուրախութիւն եւ ցնծութիւն կը լինի, եւ շատերը կուրախանան իր ծննդով, որովհետև նա Տիրոջ առաջ մեծ կը լինի, զինի եւ օղի չի խմի եւ մօր որովայնից սկսած Սուրբ Հոգով կցուի եւ Իսրայէլի որդիներից շատերին կդարձնի դէպի իրենց Տէր Աստուածը: Նա եղիայի հոգով եւ զօրութեամբ պիտի գնայ նրա առաջից, որպէսզի հայրերի սրտերը որդիներին դարձնի ու անհնազանդներին՝ արդարների իմաստութեանը՝ Տիրոջ համար պատրաստ մի ժողովուրդ կազմելու»: Եվ Չաքարիան ասաց իրեշտակին. «Ես ինչ կերպ կ'իմանամ այդ, քանի որ ես ծեր եմ, եւ կինս էլ առաջացած տարիքում է»: Հրեշտակը նրան պատասխանեց. «Ես Պաբիէլն եմ, որ կանգնում եմ Աստծու առաջ. ես ուղարկուեցի խօսելու քեզ հետ եւ այդ բանը քեզ ակետելու: Եւ



Խուան Նավարթ, Հիսուսի մկրտությունը, 1567 թ.

ահա, դու համար կլինես եւ չես կարողանայ խօսել մինչև այն օրը, երբ այդ կատարուի, քանի որ դու չհաւատացիր իմ խօսքերին, որ կիրականան իրենց ժամանակին»:

Իսկ ժողովուրդն սպասում էր Չաքարիային. զարմանում էին, որ տաճարում նա ուշանում է. «Եւ երբ նա դուրս եկաւ, չէր կարողանում խօսել նրանց հետ: Եւ նրանք իմացան, թէ տաճարում տեսիլք էր տեսել. եւ նա նշանացի էր խօսում նրանց հետ ու մնում էր պապանձուած: Եւ երբ պաշտամունքի իր օրերը լրացան, գնաց իր տունը: Այդ օրերից յետոյ նրա կինը՝ եղիսաբէթը, յղիացաւ: Հինգ ամիս նա թաքցնում էր ինքն իրեն եւ ասում. «Այս ինչ բան արեց Տէրը ինձ իմ այս օրերին, երբ նայեց ինձ վրայ՝ վերացնելով իմ մախատիմը մարդկանց միջից» (Ղուկ. 1.5–25): Այնուհետև՝ «Եղիսաբէթի ծննդաբերելու ժամանակը լրացաւ, եւ նա մի որդի ծնեց. եւ նրա շուրջը գտնուողներն ու նրա ազգատոհմը լսեցին, որ Տէրն իր մեծ ողորմութիւնը ցոյց տուեց նրա հանդէպ, եւ ուրախանում էին նրա հետ: Եւ ութերորդ օրը եկան մանկանը թլփատելու. եւ նրան իր հօր անունով Չաքարիա էին կոչում: Բայց նրա մայրը պատասխանեց եւ ասաց. «Ո՛չ, այլ Յովհաննէս պէտք է կոչուի»: Նրան ասացին. «Սակայն քո ազգատոհմի մէջ չկայ մէկը, որի անունը Յովհաննէս լինի»: Նշանացի ակնարկեցին նրա հօրը, թէ ինչ կը կամենայ նրան կոչել: Իսկ նա մի տախտակ ուզեց եւ վրան գրեց. «Պապ անունը Յովհաննէս է»: Եւ բոլորը զարմացան: Եւ իսկոյն նրա բերանը բացուեց եւ նրա լեզուն՝ նոյնպէս. եւ խօսում էր ու օրհնում Աստծուն: Եւ ահ ընկաւ բոլորի մէջ, որ լսեցին այս, եւ նրանց մէջ, որ բնակւում էին նրանց շուրջը: Եւ Հրէաստանի ամբողջ լեռնակողմում այս բոլոր բաները

պատմում էին: Եւ բոլոր լսողները պահում էին իրենց սրտերում այս ամէնը եւ ասում էին. «Արդեօք ինչ կը լինի այս մանուկը»: Եւ Տիրոջ ձեռքը նրա հետ էր: Չաքարիան՝ նրա հայրը, Սուրբ Հոգով լցուեց, մարգարեացաւ եւ ասաց. «Օրնեալ է Իսրայէլի Տէր Աստուածը, որ այցի եկաւ մեզ եւ փրկութիւն բերեց իր ժողովրդին: Եւ Իր ծառայ Դաւթի տնից մեզ համար մի հօգոր Փրկիչ հանեց, ինչպէս որ խօսել էր սրբերի բերանով, որոնք հին դարերում նրա մարգարէներն էին. փրկութիւն՝ մեր թշնամիներից եւ բոլոր մեր ատողների ձեռքից՝ ողորմութիւն անելու համար մեր հայրերին եւ յիշելու իր սուրբ ուխտը. այն երդումը, որ արել էր մեր հօրը՝ Աբրահամին, որպէսզի թշնամիների ձեռքից փրկուած՝ կարողանանք առանց երկիւղի ծառայել նրա առաջ, սրբութեամբ եւ արդարութեամբ, մեր կենցիկ բոլոր օրերում: Եւ Դու՛, Ո՛վ Մանուկ, Բարձրեալի մարգարէն պիտի կոչուես, որովհետև պիտի գնաս Տիրոջ առաջից՝ պատրաստելու նրա ճանապարհները, տալու նրա ժողովրդին փրկութեան գիտութիւնը՝ նրանց մեղքերի թողութեան համար, մեր Աստծու զբառատ ողորմութեան շնորհիւ, որով բարձունքից արեգակը մեզ կայցելի ծագելու նրանց վրայ, որոնք նստած են խաւարի եւ մահուան ստուերների մէջ, ուղղելու մեր ոտքերը դէպի խաղաղութեան ճանապարհները» (Ղուկ. 1.57–79):

Հովհաննէս Սկրտչի ծնունդը նշանակալից է իր խորհրդաբանությամբ ու գեղեցկությամբ: Ծնողների մահից հետո Հովհաննէսը մնաց միայնակ, և վաղ հասակից անապատը դարձավ նրա կրթիչն ու դաստիարակը: Սուրբը մեծացավ վայրի ու անբերրի անապատում՝ խստակրոն կյանքով, պահքով ու աղոթքներով՝ աստվածաբույր խոհերով նախապատրաստելով իրեն մեծագույն ծառայությանը: Նա «ուղտի մագից զգեստ ունէր եւ կաշուէ գօտի՝ իր մէջքին, իսկ նրա կերակուրն էր մորեխ ու վայրի մեղր» (Մատթ. 3:4): Այսպիսով՝ երբ «ժամանակը լրացավ», Հովհաննէս Սկրտիչն իր կոչումին հնազանդ սկսեց պատրաստել մարդկանց՝ Ավետյաց Փրկչին ընդունելու: Նա շուրջ 30 տարեկան էր, երբ հոգու մղումով հայտնվեց Հորդանանի ափերի մոտ: Այդ ժամանակ երուսաղէմի ողջ շրջակայքից գալիս էին նրա մոտ մկրտվելու և իրենց մեղքերը խոստովանելու: Հովհաննէսը մարդկանց մկրտում էր ջրով և թողություն շնորհում մեղավորներին՝ ասելով. «Ես ձեզ ջրով եմ մկրտում ապաշխարության համար, բայց ով գալիս է ինձից հետո, ինձից ավելի հզոր է, և ես արժանի չեմ հանելու նրա կոշիկները. նա կմկրտի ձեզ Սուրբ Հոգով և հրով» (Մատթ. 3:11): Հովհաննէս Սկրտիչն Աստծու նախախնամությամբ եկավ աշխարհ, որպէսզի վկայի

Լույսի մասին, ինչպէս Հովհաննէս աստվածաբան ավետարանիչն է դիպուկ նկարագրել. «Կար մի մարդ՝ Աստծուց ուղարկված. նրա անունը՝ Հովհաննէս: Ինքը լույսը չէր, այլ եկել էր, որ վկայի լույսի մասին, որ բոլորը նրա միջոցով հավատան» (Հովհաննէս 1:4): Իրապես, սուրբ Հովհաննէս Սկրտիչը դարձավ Լույսին՝ Քրիստոսին վկայողն ու մկրտողը: Այս վկայության մասին է ազդարարում նաև հոգեմորոգ ելևէջներով հյուսված շարականը. «Երկնաքաղաքացի Հովհաննէսը՝ կանանցից ծնվածների մէջ մեծագույնը, ազդարարող բարբառով քարոզում էր անապատում արդարության Արեգակի՝ Լույսի ծագումը»:

Երբ Հիսուս եկավ Հորդանան գետում մկրտվելու, Հովհաննէսը թախանձագին դիմեց Փրկչին. «Ի՛նձ պէտք է, որ քեզնից մկրտվեմ, և դու ի՛նձ մոտ ես գալիս» (Մատթ. 3:14): Հովհաննէսն արժանացավ մի պատվի, որին շատ մարգարէներ կցանկանային արժանանալ. նա մկրտեց աշխարհի Փրկչին, և անվանվեց Սկրտիչ:

Ավետարանից տեղեկանում ենք, որ Սուրբ Հովհաննէսն ազատորեն խօսեց և մեղադրեց Հերոդէս թագավորին, որ ամուսնացել էր իր հարազատ, դեռևս կենդանի եղբոր՝ Փիլիպպոսի կնոջ՝ Հերոդիայի հետ: Արքայական հարկի տակ կատարված այդ մեղքը մեծ գայթակոթություն էր, և Հովհաննէսը՝ որպէս Աստծուց առաքված, խիզախորեն ասաց. «Օրինավոր չէ, որ դու նրան իբրև կին ունենաս» (Մատթ. 14:4): Արքան այդ խոսքերի համար ցանկացավ սպանել նրան, բայց վախեցավ ժողովրդից, քանի որ նրան ստույգ մարգարէ էին համարում, ուստի միայն բանտարկեց: Երբ Հերոդէսի ծննդյան օրը Հերոդիայի դուստրը, հավաքվածների առջև պարելով, զոհացրեց թագավորին, վերջինս երդումով խոստացավ տալ նրան այն ամենը, ինչ ցանկանա: Աղչկը մոր հրահրումով թագավորին ասաց. «Տո՛ւր ինձ այստեղ՝ սկուտեղի վրա, Հովհաննէս Սկրտչի գլուխը» (Մատթ. 14.3–12): Արքան տրտմեց, բայց քանի որ բոլորի առջև երդվել էր, հրամայեց գլխատել Հովհաննէսին. «Եվ նրա գլուխը բերվեց սկուտեղով ու տրվեց աղջկան: Եվ սա տարավ այն իր մօրը»: Իսկ Հովհաննէսի աշակերտները եկան վերցրին մարմինն ու թաղեցին, այնուհետև պատմեցին Հիսուսին (Մատթ. 14. 12):

Սուրբ Հովհաննէս Սկրտչի ծննդյան տոնը նշվում է Քրիստոսի տիեզերալույս Սուրբ Ծննդյան տոնակատարություններից հետո: Սրբին նվիրված ուրիշ տոներ ևս կան, որոնք նշվում են այլ սրբերի հետ կամ առանձին. դրանք Սուրբ Հովհաննէս Կարապետի և Սուրբ Հոբ Արդարի, Սուրբ Հովհաննէս Կարապետի և Սուրբ Աթանասիոս Եպիսկոպոսի, Սուրբ Հովհաննէս Սկրտչի գլխատման հիշատակության տոներն են:

Սիրանուշ ԱՂՅԱՆ
Եղիշէ սրկ. ՍԱՐԳՍՅԱՆ

Սիրո խորհրդաբանությունը Աստվածաշնչում

← էջ 5

Այսինքն՝ սերը ենթադրում է գործողություն, աշխատանք: Այն միայն բառերով կամ զգացմունքներով արտահայտվող երևույթ չէ, պահանջում է գործ՝ խոսքից առավել: Եթէ Աստծո հանդէպ սերը պատվիրանապահությամբ է արտահայտվում, ապա ընկերոջ հանդէպ սերը անմնացորդ կերպով նվիրվել է, նրա հանդէպ հոգատարությունն ցուցաբերելը. «Սէրը նրանով ճանաչեցինք, որ Հիսուս իր կենանքը տուեց մեզ համար. մենք էլ պարտաւոր ենք մեր եղբայրների համար տալ մեր կենանքը: Ով այս աշխարհի բարիքներից ունենայ եւ տեսնի իր եղբօրը մի բանի կարօտ ու փակի իր սիրտը նրա առաջ, Աստծու սերը ինչպէ՛ս կարող է բնակուել նրա մէջ» (Ա Յովհ. 3:16–17): Սրա վաճառույն օրինակներից մեկը Հիսուս ներկայացնում է Բարի սամարացու մասին առակում (Ղուկ. 10:29–37): Գործուն սիրո առավել պատկերավոր նկարագրություն մենք գտնում ենք Պողոս առաքյալի թղթերում: Ա Կորնթ. 13 գլուխը, որը նաև «Սիրո օրհներգ» է կոչվում, ամբողջովին բացահայտում է սիրելու կերպը.

«Սերը համբերող է, քաղցրաբար է. սերը չի նախանձում, չի ամբարտավանում, չի գոռոզանում»: Իսկ վերջում հավելում է, որ սերը շնորհներից մեծագույնն է, անգամ ավելի մեծ, քան հավատն ու հույսը:

Աստվածաշնչում սերը՝ որպէս խորհրդանշ, անբաժանաբար կապված է կյանքի և մահվան հետ. «Հօր է սերը մահուան պէս է» (Երգ երգոց 8:6): Իսկ սիրո մեծագույն խորհրդանշը համարվում է խաչը, որի վրա Քրիստոս Իր կյանքը տվեց մարդկության փրկության համար, որպէսզի մարդը հավիտենական կյանք ունենա (Յովհ. 3:14–16):

Սերը սեփական անձն ուրանալու և նվիրվելու գործընթաց է, որի կատարելատիպը Քրիստոսն է՝ անձնագոհությունը՝ բառի բուն իմաստով. «Աւելի մեծ սեր ոչ ոք չունի, քան այն, որ մէկն իր կենանքը տալ իր բարեկամների համար» (Յովհ. 15:13): Սուրբ Գրքում սիրո մեծագույն խորհրդանշը մնում է Հիսուս Քրիստոսը: Քրիստոսի խաչելությունը և հարությունը խորհրդանշում են սիրո երկու հատկությունները՝ կյանքին և մահվանն ուղղված: Եթէ խաչելությունը ինքնագոհա-

բերվող սերն է խորհրդանշում, ապա հարությանը այդ սիրո հավիտենական և կենսատու պտուղներն ենք տեսնում:

Սիրո գաղափարն Աստվածաշնչում այնքան է կարևորվում, որ ուղղակի համընդհանրացվում ու հռչակվում է. «Աստուած սեր է» (Ա Յովհ. 4:8): Օգոստինոս Երանելին գրում է. «Եթէ թղթի մէջ, անգամ ողջ Սուրբ Գրքում ոչինչ գրված չլինէր սիրո մասին, և մենք Հոգու բերանից լսած լինեինք միայն «Աստված սեր է» արտահայտությունը, այլ բանի կարիք չէինք ունենա»:

Այսպիսով՝ սերն Աստծո ամենաուղղակի բնորոշումներից մեկն է Աստվածաշնչում: Սիրո սկզբունքն է իշխում մարդու արարչության, կյանքի շարունակականության և փրկության հիմքում: Համաձայն Սուրբ Գրքի՝ մարդկանց ոչինչ առավել պէտք չէ, քան սերը միմյանց հանդէպ, սերը՝ որպէս զգացմունք և գործողություն:

Սոնա ԲԵՇԻՇՅԱՆ
Եղվարդ սրկ. ԲԵՇԻՇՅԱՆ



Ռեմբրանդտ, Աբրահամ և Իսահակ, 1635 թ.

ԹԱՐԳՄԱՆԱԿԱՆ ԳՐԱԿԱՆՈՒԹՅՈՒՆ

Սուրբ Ծննդյան թեմատիկ արժարժույթները համաշխարհային գրականության մեջ

Սուրբ Ծննդյան գեղարվեստական արժարժույթները, համաշխարհային գրականության մեջ պարզ պատմություններից զատվելով, աստիճանաբար միտվում են դեպի ժամանակի լարվածությունը՝ ձեռք բերելով խոհափիլիսոփայական ենթախորքեր։

Նախ՝ դրանք պատմություններ են, որոնք առաջացնում են միայն Սուրբ Ծննդյան տրամադրություն՝ ձյան փաթիլների, սահնակների, եղջերուների, նվերների պարկերի, Ձմեռ պապի և ձմեռային զանգի պատկերներով։ Բոլոր փայլերով հանդերձ, որ տարածում են նման պատմությունները, դրանք այսօր այլևս արդիական չեն։

Հաճախ էլ ներկայացվում են փոքրիկ նվերի պատճառած ուրախությունը կամ եկեղեցի այցելել՝ որպես տոնի կարևորագույն պահ։ Իդեալականացված հիշողությունը բացահայտում է տոնն իմաստավորելու և այն իսկապես խորը զգալու այսօրվա անկարողությունը։

Այսպես կոչվող «դարձի գալու բարոյականացնող պատմությունները» կամ «փրկության խորհրդանշային պատմությունները», որոնք հիմնականում հանդիպում են հին գրականության մեջ, արտահայտում են մի կողմից՝ Սուրբ Ծննդյան ոգու լույսի ներքո անցում խստությունից դեպի ողորմություն, մյուս կողմից՝ Սուրբ Ծննդյան իրարորդությունների հետ կապված՝ աղետներից փրկվելու հրաշքներ։ Նման պատմություններում կիրառվում են նաև կերպարափոխություններ, որոնցում կամ ժամանակակից մարդիկ ընդունում են ծննդյան պատմություններում ներգրավված կերպարների հատկությունները, կամ մանուկ Հիսուսը տեղափոխվում է այլ ժամանակներ։

Բացի այդ՝ կան ստեղծագործություններ, որ գրված են առավելապես որպես խորհրդածություններ՝ արտահայտելով Սուրբ Ծննդյան վերաբերյալ ժամանակակից մտքեր։ Նման երկերը կարելի է համարել քրիստոնեական ինքնագիտակցման փորձեր։

19-րդ դարում եվրոպական գրականության մեջ ձևավորվում է «Սուրբ Ծննդյան պատմվածք» ժանրային բնու-

րոշումը, որի հիմնադիրը համաշխարհային գրականության մեջ դարձավ Չարլզ Դիքենսը՝ իր «Սուրբ Ծննդյան երգը» հեքիաթային պատմությամբ։ Այն Ծննդյան ամենահայտնի ստեղծագործություններից է Բրիտանիայում և նրա սահմաններից դուրս։ Պատմվածքը Էբենգեթեր Սքրուջ անունով մի ծեր, քարսիրտ և ժլատ մարդու մասին է, որը հոգեպես փոխվում է Ծննդյան նախօրեին իրեն այցելած Սուրբ Ծննդի Անցյալի, Ներկայի և Ապագայի ոգիների հետ հանդիպումից հետո։

Այս ժանրի սրտառուչ գործերից է նաև Համս Քրիստիան Անդերսենի «Լուցկիներով աղջիկը»։

Ցանկացած Սուրբ Ծննդյան պատմվածքում պարտադիր տեղի են ունենում հրաշք և հերոսի վերածնունդ։ Երկրորդ համաշխարհային պատերազմից հետո՝ 1946–1947 թթ. սովի ժամանակներում, լույս է տեսնում գերմանացի գրող Վոլֆգանգ Բրոխերտի «Երեք ծպտյալ արքաները» պատմվածքը։ Այն հեղինակի ամենահայտնի ստեղծագործություններից է, Սուրբ Ծննդյան գրականության բնորոշ օրինակ, որ լայնորեն տպագրվել է ընթերցանության ժողովածուներում և մեկնաբանվել դպրոցական դասերին։ Դա լույսի և խավարի մի խաղ է, որ Վոլֆգանգ Բրոխերտը ներկայացնում է իր ընթերցողներին։

Պատմությունը լցված է երկիմաստ տրամադրություններով։ Հետպատերազմյան մռայլությունն ու ցուրտը հակադրվում են ընտանիքի ջերմությանն ու հարմարավետությանը։ Սուրբ Ծննդյան գիշերը երեք զինվորների ժամանումը բերում է անսպասելի ուրախություն և մտահոգությունների կարճ ընդմիջում։ Տրամադրությունը փոխվում է հուսահատությունից հույսի, վախից՝ մխիթարության։ Իրերը պարունակում են ժամանակաշրջանի մարդկային ցավի ու տառապանքի զգացողությունները։ Գլխավոր գաղափարներն են լույսը՝ որպես հույսի խորհրդանիշ, և ցուրտը՝ որպես աղետի։

Սիրվարդ ՍՏԵՓԱՆՅԱՆ

Վոլֆգանգ Բրոխերտ Երեք ծպտյալ արքաներ

Նա խարխալում էր արվարձանի մթության մեջ։ Երկնքին դեմ հանդիման ցցվել էին ավերակները։ Լուսինը չկար, իսկ ճամփան սարսափած էր ուշ ոտնաքայլից։ Հետո նա գտավ մի հին տախտակ, ոտքով խփեց դրան, մինչև որ մի երկար անկյունային փտած կտոր հառաչեց և դուրս թռավ։ Փայտից արձակվեց թթու ու քաղցր բույր։ Մութ արվարձանով նա խարխալելով հետ գնաց։ Աստղեր չկային։

Երբ նա բացեց դուռը (իսկ այն՝ դուռը, դրանից լացեց), կնոջ բաց կապույտ հոգնած աչքերը դեմքից իրեն էին նայում, և սենյակում այնքան ցուրտ էր, որ շունչը սպիտակ մնացել էր օդում կախված։ Նա ծալեց իր ոսկրոտ ծունկը և ջարդեց փայտը։ Փայտը հառաչեց։ Չորս կողմից բուրում էր թթու ու քաղցր։ Դրանից մի կտոր պահեց քթի տակ։

— Բուրում է կարկանդակի նման,— նա ցածր ծիծաղեց։

«Մի ծիծաղիր,— ասացին կնոջ աչքերը,— մի ծիծաղիր։ Նա քնած է»։

Տղամարդը թիթեղյա փոքրիկ վառարանի մեջ նետեց փտած քաղցր փայտը։ Այն բռնկվեց և մի բուռ տաք լույս նետեց սենյակ։ Փոքրիկ, կլոր դեմքի վրա ընկնելով՝ մի պահ մնաց։ Փոքրիկն ընդամենը մեկ ժամ առաջ էր լույս աշխարհի եկել, բայց արդեն ուներ այն ամենը, ինչ անհրաժեշտ էր՝ ականջներ, քիթ, բերան և աչքեր։ Աչքերը խոշոր կլինեմ. դա տեսանելի էր, չնայած հիմա էլ չափազանց մեծ են։ Բայց բերանը բաց էր, և նա շնչում էր։ Քիթն ու ականջները կարմիր էին։ «Նա ողջ է»,— մտածեց մայրը։ Եվ փոքրիկ դեմքը քնած էր։

— Այստեղ դեռ վարսակի ալյուր կա,— ասաց տղամարդը։

— Այո,— պատասխանեց կինը։

— Դա լավ է։

Ցուրտ է։ Տղամարդը ավելացրեց քաղցր փափուկ փայտից. նա հենց նոր է երեխա ծնել և, հավանաբար, սառել է։ Բայց չկար մեկը, որի դեմքին բռնկվածքներով հարվածեր դրա համար։ Երբ կրկին բացեց վառարանի դուռը, մի բուռ լույս նորից ընկավ քնած փոքրիկի վրա։ Կինը կամաց ասաց.

— Նայիր, տես, իսկական հրեշտակ է՝ լուսապսակով։

«Հրեշտակ»,— մտածեց նա, ու չկար մեկը, որի դեմքին բռնկվածքներով հարվածներ տար։

Դռան մոտ մարդիկ հայտնվեցին։ Նրանք ասացին, որ տեսել էին պատուհանի լույսը և ուզում են տասը ռուպե նստել։

— Բայց տանը երեխա կա,— ասաց տղամարդը։

Նրանք չպատասխանեցին, բայց այնուամենայնիվ մտան սենյակ, քթով դուրս մղեցին ծուխը և թաթերի վրա առաջ եկան.

— Մենք շատ կամաց ենք,— շշնջացին։

Լույսն ընկավ նրանց վրա։ Երեքով էին։ Երեքն էլ հին համագզեստով։ Մեկը ստվարաթղթե տուփ ուներ, մյուսը՝ պարկ, իսկ երրորդը ձեռքեր չուներ։

— Սառել ենք,— ասաց նա՝ բարձրացնելով թևերը։ Հետո վերարկուի գրպանն ուղղեց դեպի տանտերը։ Այնտեղից հանեցին տաբակ և բարակ թուղթ։ Նրանք ծխախոտ փաթաթեցին, բայց կինն ասաց՝ պետք չէ, երեխա կա։

Հետո չորսն էլ դուրս եկան դռնից, և նրանց ծխախոտերը գիշերվա մեջ կետեր էին երևում։ Մեկն ուներ լաթերով փաթաթված հաստ ոտքեր։ Նա պարկից հանեց մի փորագրված փայտի կտոր։

— Ավանակ է,— ասաց նա։— Ես այն յոթ ամիս փորագրել եմ։ Երեխայի համար է։— Այս խոսքերի հետ այն տվեց տղամարդուն։

— Ի՞նչ է եղել ոտքերիդ,— հարցրեց մարդը։

— Ջրգողություն,— ասաց ավանակ փորագործը,— սովածությունից է։

— Իսկ մյուսը՝ երրորդը,— հարցրեց տղամարդը՝ մթության մեջ շոշափելով փայտե էլը։

Երրորդը դողում էր համազգեստի մեջ։

— Օ՛, ոչինչ,— շշնջաց նա,— մյարդերից է։ Պարզապես չափազանց շատ էր վախեցել։

Հետո նրանք ոտքերի տակ ճմռեցին ծխախոտի մնացորդը և նորից ներս մտան։ Թաթերի վրա առաջ եկան ու նայեցին քնած փոքրիկ դեմքին։ Դողացողն սովաբարթե տուփից հանեց երկու դեղին կոնֆետ ու ասաց.

— Կնոջ համար են սրանք։

Կինը լայն բացեց բաց կապույտ աչքերը, երբ տեսավ երեք մութ կերպարանք՝ երեխայի վրա խոնարհված։ Նա վախեցավ։ Բայց հանկարծ երեխան ոտքերը սեղմեց նրանց կրծքին և այնքան ուժեղ բղավեց, որ երեքն էլ կանգնեցին և սահեցին դեպի դուռը։ Այստեղ նրանք նորից գլխով արեցին, իսկ հետո ելան դուրս՝ դեպի գիշերը։

Մարդը նայեց նրանց հետևից ու դիմեց կնոջը.

— Տարօրինակ սրբեր։

Հետո նա փակեց դուռը։ «Փառահեղ սրբեր»,— փնթփնթաց նա՝ հայացքը զգելով վարսակի ալյուրին։ Սակայն բռնկվեցին դեմք չկար։

— Բայց երեխան բղավեց նախքան նրանց գնալը,— շշնջաց կինը,— նա շատ ուժեղ բղավեց։ Տես, ինչ աշխույժ է,— հպարտությամբ ասաց նա։

Փոքրիկը բացեց բերանը և բղավեց։

— Նա լայն է լինում,— հարցրեց մարդը։

— Ո՛չ, կարծում եմ՝ ծիծաղում է,— պատասխանեց կինը։

— Իսկ և իսկ կարկանդակ,— ասաց տղամարդը և հոտ քաշեց փայտից։ Կարկանդակի հոտ էր գալիս։ Շատ քաղցր։

— Այսօր նաև Սուրբ Ծնունդ է,— ասաց կինը։

— Այո, Սուրբ Ծնունդ,— քթի տակ կրկնեց ամուսինը, իսկ վառարանից մի բուռ լույս ընկած էր քնած փոքրիկ դեմքին։

Գերմաներենից թարգմանությունը՝
Սիրվարդ ՍՏԵՓԱՆՅԱՆԻ, ք. գ. թ.

Սուրբ Ծնունդ և Աստվածահայտնություն

← էջ 5

Այսպիսով՝ այս ընծաներն ընդգծում են Հիսուսի երեք կարևոր դերերը՝ Թագավոր, Աստված և Մարդ, որ պիտի տառապի և մահանա հանուն փրկության։

Սուրբ Ծնունդը պարզապես պատմական դեպքի գեղեցիկ նկարագրություն չէ։ Սա հիշեցում է, որ Աստված, Արարիչ լինելով, ոչ միայն ստեղծեց աշխարհը, այլև սեր ու փրկություն բերեց մարդկությանը։ Սկզբում Նա ստեղծեց Ադամին ու Եվային, բայց նրանք հեռացան Աստծուց՝ մեղք գործելով։ Աստված, սակայն, այնքան սիրեց իր արարչությունը, որ վերստին ներեց մարդկանց՝ պարզելով իր Որդուն։ Հիսուս Քրիստոսի Ծնունդը Աստծու և մարդկանց միջև առաջացած պատմելը քանդելու և հաշտություն գտնելու սկիզբն էր։

Հայ եկեղեցին Սուրբ Ծնունդը միշտ մշտել է հունվարի 6-ին՝ հետևելով սրբազան ավանդությանը, ինչպես նաև հաշվարկն սկսելով ավետման օրից։ Սկզբնական շրջանում այդպես էր ամբողջ աշխարհում, բայց չորրորդ դարից հետո Կաթոլիկ եկեղեցին Հիսուսի Ծնունդն սկսեց մշտել դեկտեմբերի 25-ին, իսկ Սկրտությունը՝ հունվարի 6-ին։ Իրականում այս որոշումն ուներ իր տրամաբանական հիմնավորումը։ Չորրորդ դարում դեռ հեթանոսական որոշ տոներ կային, որոնք մնացել էին

Հռոմում։ Մասնավորապես արևի աստվածությանը՝ Միթրային նվիրված տոնը, որ մշվում էր դեկտեմբերի 25-ին։ Այդ օրը ըրմերը մեծ խառնուրդներ էին վառում, և ժողովրդական տոնախմբություններ էին լինում։ Այսօրվա Վատիկանի տեղում այս աստվածությանը նվիրված ահռելի տաճար կար, և դրա փոխարեն Սուրբ Պետրոսի տաճարի կառուցումից հետո էլ հեթանոսական տոնի հանդեպ հետաքրքրությունն այդպես էլ չդադարեց։ Այդ պատճառով Կաթոլիկ եկեղեցին այդ ժամանակի համար տրամաբանական որոշում ընդունեց՝ Սուրբ Ծննդյան տոնը մշտել դեկտեմբերի 25-ին։

Իսկ ինչի՞ համար հենց հունվարի 6-ը՝ որպես Սուրբ Ծննդյան տոնի օր։ Բացի նախաքրիստոնեական ժամանակներից եկող եկեղեցական ավանդույթից՝ նաև կան որոշակի տոմարական տրամաբանական հաշվարկներ։ Եթե կարդանք Դուկաս ավետարանչի առաջին գլխի 23–24 համարները, կտեսնենք, որ Չաքարիան ավարտեց իր ծառայությունը տաճարում և վերադարձավ տուն, որից հետո հղիացավ նրա կինը՝ Եղիսաբեթը։ Այսպիսով Չաքարիան 12 օր (5 օր Քավության և 7 օր Տաղավարահարաց տոներին) տաճարում սպասավորեց Քավության տոնին, որի սկիզբը սեպտեմբերի 27-ն էր։ Չաքարիայի՝ տուն վերադարձի և Եղիսաբեթի հղիանալու ժամանակը հոկտեմբերի 9/10-ն էր։ Այս դեպքից 6

ամիս հետո՝ ապրիլի 7-ին, եղավ Սուրբ Կոյսի ավետումը, իսկ Սուրբ Ծնունդը տեղի ունեցավ 9 ամիս անց՝ հունվարի 6-ին։ Միևնույն ժամանակ եկեղեցու հայրերը, հենվելով Հիսուսի մկրտությունից հետո ավետարանչի խոսքերի վրա՝ «Եվ Ինքը՝ Հիսուսը, շուրջ երեսուն տարեկան էր, երբ սկսեց Իր գործը» (Դուկաս 3:23), Տիրոջ մկրտության տոնը մշտն են Սուրբ Ծնունդի հետ՝ միևնույն օրը։

Սուրբ Ծնունդի նախորդ օրը կոչվում է Ճրագալույց, որ մշանակում է ճրագ վառել։ Նախկինում ընդունված էր տոնին ընդառաջ եկեղեցու ճրագները վառել, ինչի համար հավատացյալներին մոմեր էին բաժանվում, և վառվող մոմերով միասին շրջում էին տներում՝ ավետիս երգելով։ Հետագայում այս սովորույթը վերածվում է եկեղեցուց լույս տանելու ժողովրդական գեղեցիկ արարողության։ Հաջորդ օրը՝ հունվարի 6-ին, բոլոր եկեղեցիներում կատարվում է Սուրբ Ծննդյան հանդիսավոր պատարագ, իսկ պատարագի ավարտին հոգևորականները կատարում են ջուր օրհնելու կարգը։ Սա Քրիստոսի՝ Հորդանան գետում մկրտվելու խորհրդանիշն է։

Ուղղափառ եկեղեցիներում ընդունված է՝ այդ օրը եկեղեցուց մեծ և հանդիսավոր թափորով գնալ մոտակա գետ կամ լիճ և այնտեղ անցկացնել արարողությունը, որի ժամանակ խաչը զգում են ջրի մեջ, իսկ ով առաջինն է



Սանդրո Բոտիչելլի, Մարիամը երեխայով և երգող հրեշտակներով, 1487 թ.

հանում ջրից, խաչի կնքահայրն է։ Մեր եկեղեցում ջրօրհնեքի ժամանակ քահանաները ջուրը երեք անգամ օրհնում են խաչով, իսկ հետո սրբալույս մյուռոն են կաթեցնում մեջը։ Դրանից հետո հավատացյալներն այն տանում են իրենց տները և որպես օրհնություն՝ օգտագործում սննդի հետ։ Հետաքրքիր սովորույթ կա նաև Սուրբ Ծնունդի տոնակատարությունների ընթացքում և հաջորդող օրերին. մարդիկ քահանաներին հրավիրում են իրենց տները՝ տնօրհնեք կատարելու համար։

Լիանա ԿԱՐԱՊԵՏՅԱՆ
Մայիս սրկ. ԿԱՐԱՊԵՏՅԱՆ

Ապաշխարության խորհուրդը Հովնանի մարգարեության մեջ

Նին Կտակարանի տասներկու փոքր մարգարեներից է Հովնան մարգարեն, որի հիշատակությունը Հայոց եկեղեցում նշվում է Առաջավորաց պահքի 5-րդ՝ ուրբաթ օրը: Խորհուրդն այն է, որ ճշմարիտ ապաշխարությամբ, մեղքերի գիտակցմամբ և թողութամբ կարելի է արժանանալ Աստծո ողորմությանը:

«Հովնան» բառը ծագել է եբրայերեն «յոնա» բառից և նշանակում է աղավնի: Մարգարեության հենց սկզբում նշվում է, որ նա Ամաթի որդին է: Հին Կտակարանի չորրորդ Թագավորաց գրքում ևս հիշատակություն կա Ամաթի որդի Հովնան անունով մեկի մասին. «Նա Իսրայելի սահմանները՝ Եմաթի մոտքից մինչև Արաբա ծովը, ապահով դարձրեց, ինչպես իր ծառա գեթաբերացի Ամաթի որդի Հովնան մարգարեի միջոցով ասել էր Տեր Աստվածը» (Դ Թագ. 14:25): Սրանից կարող ենք ենթադրել, որ խոսքը նույն Հովնանի մասին է, սակայն անվերապահորեն վստահ լինել չենք կարող, քանի որ մինչև օրս այս հարցը լիովին պարզաբանված չէ:

Հովնանի գիրքը բաղկացած է չորս գլխից, որոնց ընդհանուր թեման ապաշխարությունն ու Աստծո ողորմածությունն է: Աստծու կողմից Հովնան մարգարեն առաքելություն է ստանում՝ կործանումից փրկելու հեթանոս Նինվեյն և նրա՝ մեղքերի մեջ խրված բնակչությանը: Տերը պատգամում է Հովնանին. «Ելիր և գնա Նինվեյն մեծ քաղաքը և քարոզիր այնտեղ, քանի որ նրա չարության համբավը հասավ ինձ» (Հովն. 1:1): Սակայն Հովնանը չի ցանկանում կատարել Աստծո կամքը և որոշում է նավով փախչել Թարսիս (այժմ գտնվում է Իսպանիայի տարածքում)՝ Տիրոջ ներկայությունից հեռու, որովհետև մտածում է, որ Աստված ողորմած է և Իր սպառնալիքը չի իրագործի, եթե միմեկացիները հավատան ու ապաշխարեն: Նավագնացության ժամանակ ծովում հուժկու փոթորիկ է բարձրանում, և նավը խորտակման վտանգի առջև է հայտնվում: Նավում բոլորն աղոթում են իրենց աստվածներին՝ փրկություն խնդրելով, մինչդեռ Հովնանը հանգիստ մնջում է մի խորշում: Այդ ժամանակ բոլորը որոշում են վիճակ գցել՝ հասկանալու՝ ում պատճառով են փորձության մեջ հայտնվել: Վիճակն ընկնում է Հովնանին, և նրան ասում են. «Պատմիր մեզ, թե ինչն է այս չարիքների պատճառը. ինչ գործ ես անում, որտեղից ես գալիս և ուր ես գնում, որ երկրից ես կամ որ ժողովրդից»: Հովնանը պատասխանում է. «Ես Տիրոջ ծառան եմ, պաշտում եմ երկնքի Տեր Աստծուն, որն ստեղծեց ծովն ու ցամաքը», և պատմում է եղելությունը: Մարդիկ վախեցած բացականչում են. «Այդ ի՞նչ ես արել... Ի՞նչ անենք քեզ, որ ծովը մեզ հանգիստ թողնի»: Հովնանն ասում է նրանց. «Ինձ ծովը գցեցեք, և ծովը կխաղաղվի, որովհետև ես գիտեմ, որ իմ պատճառով է այս փոթորիկը



ծեղ վրա հասել» (Հովն. 1:7–12): Ծովն ավելի ու ավելի էր ալեկոծվում, և մարդիկ նավը չէին կարողանում ափ վերադարձնել, ուստի Հովնանին ծովն են գցում, և այն անմիջապես խաղաղվում է: Աստծո հրամանով Հովնանին ծովում մի կետ ձուկ կուլ է տալիս: Նա երեք ցերեկ և երեք գիշեր մնում է ձկան մեջ և անդադար աղոթում Տեր Աստծուն.

«Իմ նեղության մեջ ես աղոթեցի իմ Տեր Աստծուն,

և Նա լսեց իմ աղաչանքը դժոխքի խորքից: Տեր, լսիր իմ ձայնը: Ինձ գցեցիր ծովի խորքերը, և ջրի հոսանքները պաշարեցին ինձ: Քո կոհակներն ու ալիքները թափվեցին ինձ վրա,

և ես մտածեցի, թե մերժվել եմ քո ներկայությունից.

արդյոք նորից պիտի տեսնեմ Քո սուրբ տաճարը:

Ջրերը թափվեցին ինձ վրա շունչս կտրելու աստիճան:

Խորունկ անդունդներ պաշարեցին ինձ: Գլուխս մտավ լեռների փապարների մեջ, Իջա մի երկիր, որի միգերը փակ են հավիտյան:

Ես կփրկվեմ ապականությունից...» (Հովն. 2:3–7):

Երեք օր անց կետ ձուկը Հովնանին ցամաք է մտնում: Աստված փրկում է նրան՝ մախկի պատգամը կատարելու պայմանով, և նա ճանապարհ է ընկնում Նինվեյն: Երբ հասնում է այնտեղ, ասում է. «Եվս երեք օր, և Նինվեյն պիտի կործանվի» (Հովն. 3:4): Երբ հեթանոս միմեկացիները լսում են Աստծո պատգամը, հավատում են, զոջում և փորձում շտկել իրենց սխալները. «Նինվեյնի մարդիկ հավատացին Աստծու պատգամին, պահեցողություն հայտարարեցին և մեծից մինչև փոքրը քուրճ հագան: Լուրը հասավ միմեկացիների թագավորին: Սա ելավ իր գահից, հանեց իր պատմունձանը, քուրճ հագավ և նստեց մոխրի վրա: Թա-

գավորի ու նրա մեծամեծների կողմից Նինվեյնում հայտարարվեց ու ազդարարվեց, թե մարդ և անասուն, հոտ և արջառ թող ոչինչ չուտեն, չճարակեն և ջուր չխմեն: Եվ մարդ ու անասուն քուրճ հագան, ի սրտե աղոթեցին Աստծուն, բոլորը հետ կանգնեցին իրենց չար ճանապարհներից և ամօրենություններից, որ իրենց ձեռքով էր կատարվում, և ասացին. «Ով գիտե, թերևս Աստված միտքը փոխի և հետ կանգնի իր խիստ բարկությունից, և կորստի չնառնվեմք»: Եվ Աստված տեսավ նրանց գործերը, քանի որ բոլորը հետ էին կանգնել իրենց չար ճանապարհներից. Աստված զոջաց այն չարիքների համար, որ ասել էր, թե կանի նրանց, և չարեց» (Հովն. 3:5–10):

Այսպես՝ Աստված ապաշխարության ուղին բռնած միմեկացիներին փրկում է և չի իրագործում մարգարեությունը: Սակայն դրանից շատ վրդովվում է Հովնանը և ասում, որ ինքը գիտեր Աստծո ողորմության և գթասրտության մասին, այդ պատճառով էլ փախավ և չցանկացավ կատարել Նրա կամքը: Հովնանը դուրս է գալիս քաղաքից, իր համար պատասխանը ամպիոկանի և նստում այնտեղ, որ տեսնի՝ ինչ է լինելու քաղաքի հետ: Աստված իմաստուն խորհուրդով Հովնանին հասկացնում է, թե որքան թանկ է Իր համար յուրաքանչյուր մարդ, և որ Իր կամքն է բոլոր մեղավորների դարձն ու փրկությունը: Եվ Նա Հովնանի համար դրձմեմի է աճեցնում, որ արևից պաշտպանի, որից վերջինս շատ է ուրախանում: Սակայն հաջորդ օրն Աստված հրամայում է որդին, որ դրձմեմին ուտի, և այն չորանում է, իսկ արևն ընկնում է Հովնանի գլխին: Դրանից Հովնանը տխրում է, բայց առավել մոռացվում է, որ բարեգութ Աստված մերում է, և Նինվեյն չի կործանվում: Աստծո պատասխանը այսպիսին է լինում Հովնանի դժգոհությանը. «Դու ափսոսացիր դրձմեմուն, որի համար ոչ մի ջանք չթափեցիր, չսնեցիր այն. նա գիշերը բուսնեց և մյուս գիշեր կորավ: Իսկ ես չխնայեմ Նինվեյն մեծ քաղաքին,

որտեղ ապրում են ավելի քան հարյուր քսան հազար մարդ, որոնք իրենց լավն ու վատը չիմացան, ինչպես նաև շատ կենդանիներ» (Հովն. 3:10–11):

Աստվածային մեծահոգությանն ու բարեգթությանը հակադրվում են Հովնանի փոքրոգությունն ու մեծամտությունը, որ կարծում է՝ բացի ընտրյալ ազգից՝ իսրայելցիներից, ոչ ոք Աստծո խոսքը լսելու իրավունք չունի:

Աստծո գթասրտությունն անչափ է, Նա լի է կատարյալ սիրով և անսահման բարությանը Իր արարածների հանդեպ և մերում է բոլորին, եթե ի սրտե ապաշխարեն, «որովհետև մարդը հավատով է արդարանում առանց օրենքի գործերի, քանզի Աստված մեկն է և՛ հրեաների, և՛ հեթանոսների համար, և Նա է, ով կարող է արդարացնել երկուսին էլ, հարկավոր է միայն հավատ ունենալ» (Հռոմ. 3:28–30):

Հովնանի գիրքը մյուս մարգարեական գրքերից տարբերվում է նրանով, որ պատմում է ոչ թե մարգարեության, այլ մարգարեի կյանքի մի դրվագի մասին:

Տարակարծություններ կան Հովնան մարգարեի ապրած դարաշրջանի վերաբերյալ: Եթե հետևենք Թագավորաց գրքին, կեզրահանգեցնք, որ Հովնանը գործել է 8-րդ դարում և եղել Ամովս մարգարեի ժամանակակիցը, մինչդեռ Հովնանի գրքում նշվում է, որ նա գործել է Նինվեյն նվաճումից և բաբելոնացիների կողմից Ք. ա. 612 թ. ասորական պետության բնաջնջումից մի փոքր առաջ՝ մոտավորապես Ք. ա. 5-րդ դարում:

Նոր Կտակարանում Հովնան մարգարեի մասին հիշատակվում է միայն մեկ անգամ. «Այն ժամանակ օրենսգետներից և փարիսեցիներից ոմանք Նրան (Հիսուսին) պատասխան տվեցին ու ասացին. «Վարդապետ, Քեզինք մի նշան ենք կամենում տեսնել»: Նա պատասխան տվեց նրանց ու ասաց. «Չար և շնացող ազգը նշան է փնտրում. այլ նշան չի տրվի նրան, բայց միայն *Հովնան մարգարեի նշանը*. որովհետև, ինչպես Հովնանը երեք օր ու երեք գիշեր կետի փորի մեջ էր, ոմյնքս և մարդու Որդին երկրի ընդերքում՝ երեք օր ու երեք գիշեր» (Մարկ. 12:38–40):

Այսպես՝ Քրիստոս հանդիմանում է փարիսեցիներին միմեկացիների ապաշխարության օրինակով, իսկ Իր երեքօրյա հանգչելը գերեզմանում կոչում է «Հովնանի նշան»՝ կետի փորից մարգարեի ազատվելու հրաշքը ներկայացնելով որպես կյանքի և մահվան վրա Իր իշխանության խորհրդանիշ (Ղուկ. 11:29–32):

Ամփոփելով վերոնշյալը՝ պարզապես պետք է հիշենք, որ Աստծու սերը անսահման է մեղավորներիս հանդեպ, և «Նա իր արեգակը ծագեցնում է չարերի և բարիների վրա և անձրև է թափում արդարների և մեղավորների վրա» (Մատթ. 5:45):

Լիլիթ ԿԱՐԱՊԵՏՅԱՆ

Առաջավորաց պահք

Առաջավորաց պահքը Հայոց եկեղեցու առաջին պահքն է, և այն հատուկ է միայն Հայ եկեղեցուն: Առաջավորաց պահքն սկսվում է Մեծ պահքից երեք շաբաթ առաջ և տևում հինգ օր՝ երկուշաբթիից ուրբաթ: Այս պահքը հաստատել է մեր հավատքի հայր Սուրբ Գրիգոր Լուսավորիչը՝ խոր վիրապում տասներեք տարի բանտարկությունից դուրս գալուց հետո: Երբ Սուրբ Հայրապետը դուրս եկավ բանտից, վաթսուհինգ օր ու գիշեր քարոզեց, իսկ մկրտությունից առաջ պատվիրեց Տրդատ Գ արքային, արքունի անդամներին և ժողովրդին՝ պահք պահել: Քանի որ այս պահքն առաջինը եղավ Հայոց եկեղեցուն, ուստի կոչվեց Առաջավորաց և համարվեց մեր եկեղեցու առաջին ազգային պահքը:

Եկեղեցու հայրերն այս պահքն Առաջավորաց կոչելու համար այլ պատճառ են նաև նշում: Դրանցից մեկի համաձայն՝ երբ Ադամն

ու Եվան դրախտից արտաքսվեցին և կորցրին Աստծո ներկայությունը՝ ապրելով միայնության դառն զգացումը, նրանք պահքով և արտասուքներով հինգ օր շարունակ սգում էին դրախտի դռների առաջ՝ Աստծո ներկայությունից և Նրա հետ ուղղակի հաղորդակցությունից զրկվելու համար: Դա մարդկության պատմության առաջին պահքն էր, որի հիմքի վրա էլ Սուրբ Գրիգոր Լուսավորիչը հաստատել է Հայոց եկեղեցու առաջին պահքը: Քանի որ Առաջավորաց պահքին հաջորդում է Սուրբ Սարգիս զորավարի, նրա որդի Մարտիրոսի և տասնչորս զինվորների տոնը, հաճախ թյուրիմացաբար այս պահքն անվանում են Սուրբ Սարգսի պահք: Հարկ է նշել, որ Հայոց եկեղեցուն սրբերի տոների համար պահք սահմանված չէ, հետևաբար՝ Սուրբ Սարգսի տոնը չի կարող պահք ունենալ:

Տոնացույցում Առաջավոր-

րաց պահքի չորս օրերի համար սուրբգրային ընթերցվածներ չկան, և պատարագ չի մատուցվում, քանի որ այս պահքի մեջ խորհրդանշաբար մեր մախառոր և մախառոր՝ Ադամի ու Եվայի անկումն է հիշատակվում, որոնք ապրել են մախառ Սուրբ Գրքի գրվելը, դրա համար էլ ընթերցվածներ չկան:

Առաջավորաց պահքի հինգերորդ՝ ուրբաթ օրը Հովնան մարգարեի հիշատակության օրն է, և այդ օրն ընթերցվում է նրա մարգարեությունը, որտեղ խոսվում է պահքի ու ապաշխարության մասին: Հովնան մարգարեն Աստծո հրամանով գնում է Նինվեյն՝ քարոզելու, և նրա քարոզի արդյունքը եղավ ժողովրդի ապաշխարությունը. «Նինվեյնի մարդիկ հավատացին Աստծու պատգամին, պահեցողություն հայտարարեցին և մեծից մինչև փոքր քուրճ հագան: Լուրը հասավ միմեկացիների թագավորին: Սա ելավ իր գահից, հանեց

իր պատմունձանը, քուրճ հագավ և նստեց մոխրի վրա» (Հովն. 3:5–6): Այս ամենի արդյունքը եղավ, որ Աստված տեսնելով՝ նրանք հետ են կանգնել իրենց չար ճանապարհից, «զոջաց այն չարիքների համար, որ ասել էր, թե կանի նրանց, և չարեց» (Հովն. 3:10):

Առաջավորաց պահքը և առհասարակ բոլոր պահքերն ինքնաքննության և ապաշխարության հնարավորություն են մեզ ընձեռում: Սուրբ Հովհան Մանդակունին պահք պահելու մի քանի կետեր նշելուց հետո՝ սակավ ուտել, խմել, քնել և անդադար աղոթել, մատնանշում է իրական պահեցողության կերպը. «Մանավանդ հարկ է, որ պահքի օրերին որովայնիցդ զրկելով՝ աղքատներին տաս այն, որպեսզի դու քաղցես, իսկ քաղցողը կշտանա, և քո մեղքը քավվի»:

Մարիամ ՀԱՐՈՒԹՅՈՒՆՅԱՆ
Արամայիս սրկ. ԱԶԻՉՅԱՆ

ՔՐԻՍՏՈՆՅԱՆ ՀԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Նարինե Հովհաննիսյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/

kristonya-hayastan

Ստոր. տպագր. 17.01.2025 թ.

Տպաքանակը՝ 1265